



10866

I

Mag. St. Dr.

P

~~Hist. p. 181.~~

~~181, 182, 183,~~

~~184, 185, 186.~~



..VI. 1. 40.

Rudimenta historica

C. A. Lebris
D. Dolezski

Rudimenta historica

Apparatus 1400

Calisii S. J.

1744.

10866I

RUDIMENTA HISTORICA,

Sive

Brevis, facilisque Methodus
Juventutem Orthodoxam notitiâ
Historicâ imbuendi.

Pro

Gymnasiis Societatis JESU

Authore

Ejusdem Societatis Sacerdote.

OPUSCULUM SECUNDUM,

De IV. præcipuis Monarchiis.



Juxtâ Exemplar Vratisl: & Brunsbergense
cum auctuario.

~~~~~  
C A L I S S I I,

Typis S. R. M. Coll: Soc; JESU 1744.




LAUDETUR  
J E S U S  
C H R I.  
STUS.







# PRÆFATIO AD LECTOREM.

Dem, qui priori, & huic parti alteri lentus est & scopus, Juventutem orthodoxam Historicâ instituere Noticiâ, ut experimento subin constet, quâ potissimum Methodo ad præfixum finem valeat eadem perducî; Cùm omnino compertum haberi oporteat, non alio, nisi experientiæ ductu hac in re desideratam attingi metam: unde tandem fiet, ut ejusdem Juventutis Instructio plenior prodeat, perfectiôrque. Libellus, quem præsentem tenes, Monarchias quatuor ad usque Servatoris Natales, & ab his, Romæ necdum rectè credentis Imperatores, ad Constantini usque tempora exhibet. Quinam Imperio, postquam illud Christo paruit, Cæsares præfuerint, Pars sequens docebit, ut libello utriusque modus idem, formaque eadem respondeat.



**DIVISIO OPUSCULI.**  
**P A R S P R I M A.**

**De Monarchia Assyriorum.**

Caput primum, de Monarchis Assyriæ usque  
ad Sardanapalum.

Caput secundum, de Monarchis Assyriæ à Sar-  
danapalo ulque ad Monarchiæ illius finem

**P A R S S E C U N D A**

**De Monarchia Persarum.**

Caput primum, de primis quinque Monar-  
chis Persiæ.

Caput secundum, de quinque posterioribus  
Persiæ Monarchis.

**P A R S T E R T I A.**

**De Monarchia Græcorum.**

*De statu Græciæ ante Monarchiam.*

Caput primum, de primis veteris Græciæ  
temporibus.

Caput secundum, de tempore medio antiquæ  
Græciæ.

Caput tertium, de tempore postremo Græ-  
ciæ veteris ante erectam Monarchiam.

*De memorandis Græciæ, dum per Alexandrū  
Monarchia evaderet.*

Caput primum, de actis ab Alexandro ut Ju-  
vene. Caput



Caput secundum, de gestis ab eodem ut Rege.

Caput tertium, de factis illius ut Monarchæ.

*De statu Monarchiæ Græcæ post Alexandri obitum.*

1. De Regno Macedoniæ.

2. De Regno Asiæ.

3. De Regno Syriæ.

4. De Regno Ægypti.

## PARS QUARTA.

### De Monarchia Romana.

*De memorabilibus Romanis ante Monarchiam.*

Caput primum, de statu Italiæ ante Romam conditam.

Caput secundum, de statu Romanorum sub Regibus.

Caput tertium, de rebus Romanorum sub Consulibus.

§. 1. De gestis Romanorum ante bellū Punicū.

§. 2. De triplici bello Punico.

§. 3. De bellis externis post bellum Punicum.


§. 4. De bellis Romanorum intestinis ante erectam Monarchiam.

### De Monarchis Romanis.

Caput primum, de Imperatoribus Romanis primi sæculi.

Caput secundum, de Imperatoribus Romanis sæculi secundi.

Caput tertium, de Imperatoribus Romanis sæculi tertii.







# BREVIS INFORMATIO DE QUATUOR MONARCHIIS.

1. *Quenam sunt hæ quatuor Monarchiæ?*  
Assyrica. Persica. Græca. Romana.
2. *Cur hæ Monarchiæ præ Regnis aliis principem locum merentur?*

Tum, quòd potentiâ, dignitatèque cæteris præstent, tum, & maximè, quòd earundè in sacris Paginis frequèrior memoria recurrat.

3. *Qua sub imagine Monarchiæ hæ quiescenti olim Nabuchodonosor Regi obiectæ sunt?*

Sub specie prægrandis Statuæ, cui caput ex auro, pectus ex argento, venter æneus, crura, pedesque quæ ferrei, quæ lutei erant. Viderat præterea Rex lapillum de monte proximo sua sponte solvi, subin & devolvi, atque adeò ad ipsos statuæ pedes eo impetu allidi, ut universa continuò machina primò quidem iret in præceps, tum in pulveres, tandem & in ventos & auras. Porro lapillus ille miris incrementis subito in montem est actus, qui sua mole orbem, quàm latè is patet, impleret.

4. *Quenam super prodigioso hoc somnio interpretatio Danielis?*

Capite aureo Assyricum, argenteo pectore Persicum, ventre æneo Græcum, pedibus tum ferreis, tum luteis Imperium Romanum designari. Lapillo denique Servatorem orbis



bis ad humanæ quidem carnis ima dejicien-  
dū ex ea tamē abjectione Regni sui fines ultra  
omnē mundi potentiā, fastūmq; extensurum.

5. *Quidnam emolumenti capimus ex hac de qua-  
tuor Monarchiis historica notitia?*

Multum sanè; quidquid enim aliis in histo-  
riis occurrit eventuum, illud, ex hac una fa-  
cili negotio deducitur. Dein Regnorū vicif-  
situdines amplissimorū, quorū tam illustres ru-  
inæ exstiterunt, vanitatis terrenæ salubri men-  
tē cogitatione percutiunt. Et, cum Historia  
magistra sit morum, facit eadem, ut altioribus  
posthac ex regulis vitam componamus.

6. *Quæ Chronologia à mundo condito ad usque  
Christi Natales?*

1. A mundo creato usque ad initium Mo-  
narchiæ Assyricæ fluxerunt anni - 1889.
2. Stetit Monarchia Assyrica ab anno 1879.  
usque ad annum 3516. adeoque annis 1637.
3. Monarchia Persica ab anno 3516. exten-  
dit se ad annum 3724. duravit annis - 208.
4. Cæpit Monarchia Græca annō mundi  
3724. continuata ad annum usque 4024.  
tenuit annis - - - - 300.
5. Monarchia Romana, cæpta annō 4024.  
usque ad annum 4053. quo Christus  
Servator mundi, natus est mundo, im-  
plevit annos. - - - - 29.

---

Summa Annorum 4053.



# P A R S I.

## De Monarchia Assyriorum.

Adverte primò, quisnam status fuerit Regno Assyriæ antèquàm ei Sardanapalus imperaret? Secundò, quæ eidem Monarchiæ conditio à Sardanapolo, usque dum ea soluta penitus exspiraret?

### CAPUT PRIMUM.

#### De Statu Monarchiæ Assyricæ usq; ad Sardanapali tempora.

*I. Quis Monarchiæ hujus primus conditor fuit?*

Nemrodus, qui Noëmi pronepos fuit, nepos Chami, Chusi, sive Beli filius. Hic, ut libertate eâ, quâ sub Patriarchis fruebantur mortales, eos privaret, ingenio usus est suo, animoque dominandi avidissimo; corporis insuper robore, quo præstabat. Titulo itaque  
Regis



Regis assumptò uruem mortuus est Babyloniam, quæ à locata ibidem sede regia Imperii metropolis fuit. Quinos supra sexaginta annos imperavit; quòd verò imperaret ut Tyrannus, violenta aliorum manu periit. Annò mundi millesimò nongentesimò, quadragesimò quartò

*II. Quis Assyrici Imperii alter Monarcha fuit?*

Ninus Nemrodi filius, ut Sangvinis, ita & ambitus, fastusque paterni hæres. Hic sui ut imperii spatia extenderet, manum adhibuit armatam, quâ Assurem, filium Semi, Assyriæ sibi suam cedere còegit. Jactis sub inde ad Tygrin civitatis novæ fundamentis eam suo ex nomine Niniven dixit, regiaque sede nobilitavit, vindicatâ sibi Dominatoris Assyrii, Regisque appellatione. Nemrodi Parentis memoriæ statum excitavit, quæ primò humanis, post divinis honoribus cæpta est colli; unde Idolomania sceleri sua vel initia, vel certè incrementa exstitere. Præfuit Imperio Ninus quinquaginta duorum spatiorum annorum, quos & ipse sine signavit cruento, violenta nece sublati. Annò mundi millesimò sextò.

*III. Quis decedenti Nino successit?*

Semiramis uxor Nini prima omnium fuit, cui è sexu fæmineo sceptri honores obtigere. Ausa est ambitiosa mulier id favoris à Coniuge petere, sibi ut liceret quinque, haud amplius, diebus regimen capessere. Acquievit ille. At Regina suæ potestatis documentum datura, iussit maritum mori. Ipsos qua-



draginta duos annos tenuit thronum, quem per vim conscenderat. Urbem Babyloniam eo firmavit præsidio mænium, quæ & altitudo, & soliditas operis ad posterorum memoriam celebravit. Effecit porro, ut urbi eidem egregius decor accederet ex magnificarum splendore ædium, hortorumque, quos pensiles vocitabant, artificio visendo in primis. Laudem & à Marte secundissimo, quò brevi admodum temporis impendiò Medos, Ægyptios, Libiósque perdomuit, Nominis sibi famam comparavit, quæ, nè immortalis existeret, vita obstabat turpissima libidine infamis. Ninix filio hæc ita displicuit, ut sceleratam Matrem majori ipse scelere percuteret gladio. Annò mundi conditì bis millesimò trigessimò octavò.

*IV. Quæ ratio, quisve modus Regiminis, quo triginta tres alii Reges ad usque Sardanapali tempora Assyriæ imperitarunt?*

Horum vivendi ratio caruit ratione, ut qui neglectis Regni curis, diffinuebant deliciis, indigni, quorum vel nomina ad Posterios transeant.

*V. Quis Sardanapalus fuit?*

Septimus ac trigesimus Assyriæ Rex; solo ferè à Majoribus nomine erat diversus, per omnia voluptatum, foeminarumque mancipium, cui proin subesse renuebant subditi. Qui primus jugum excussit, Arbaces erat, Præfectus Mediæ, hic dum fortè Regem medium in grege foeminarum abjecto cultu regio,

gio, in iori sub habitu ad fulum & colum  
 tellitantem cerneret, societate cum Belocho,  
 qui Babylonix præerat, contra hominem in-  
 dignum inita, eundem suamet in regia statuit  
 oppugnare. Sardanapalus ultimò circum-  
 ventus articulò, ultimum à desperatione con-  
 silium cepit, extrema probra, extrema manu,  
 eaque violenta in semetipso præventurus.  
 Iubet ergo, quidquid in regia molliculorum  
 esset stragulorum, quidquid nobilioris the-  
 lauri, acervari in cumulum, faces subinad-  
 moveri, certus cum his ipsis, quibus antetam  
 insanus assueverat, eodem rogo interire. In-  
 siliit, conflagravit. Annò mundi ter millesi-  
 mò centesimò septuagesimò octavò.

## CAPUT SECUNDUM.

De Statu Monarchiæ post Sardana-  
 palum, usq; dum Monarchia hæc  
 omnino interiret.

*I. Quod universim Reges tenuere Assyriam, dum  
 Monarchia hæc penitus desineret?*

Duodeni universè, quorum è numero  
 quinque à te notari velim. Sunt autem: Sal-  
 manassar, Sennacherib, Merodach, Nabu-  
 chodonosor, Balthasar.

*II. Quid de Salmanassare memorandum?*

Hic in Regum serie quadragesimus ad an-  
 num usque mundi ter millesimum trecente-  
 simum decimum septimum, Israëlitici ever-  
 for



for Imperii erat; hujus ille Regem Ozeam, unâ decem Israëlîs stirpes, & in his Tobiam, cui pietatis opera Pii nomen fecêre, captas in Assyriam transtulit. Deserta Samarîæ jussit à Chaldæis insideri, qua ex re Judæos inter ac Gentiles ea sacrorum confusio exsticit, quæ Samaritanos ab Hebræis, rectè tum credentibus, æternis animorum dissidiis separavit.

*III. Quanam de Sennacheribo merentur memoriam?*

Annus erat nascentis mundi ter millesimus trecentessimus decimus & octavus, cùm Sennacherib dominaretur Assyriæ, homo Hebræo nomini, Numinique insensissimus. Qua tempestate Ezechias Judæis imperabat, Sennachericus exercitum formidandum in paucis admovit Jerosolymis, certus urbem quâ ferrô, quâ flammis perdere. At prævalûere inimicis consiliis, Regis, populiq; preces. Adest ex imperio Numinis armatus Angelus, qui unius spatio noctis centum octoginta quinque millium stragem unus unicus edidit, simul inimicum Martem brevi omnē exarmavit. Consternatus flagello hoc Sennacherib, persvalerat sibi, illud ab indignantibus Diis vibratum: horum ergo furorem ut placaret, geminos natu minores filios hostias parat: dumque est in eo, ut sacra impia consumeret, Fratres duo majores natu Parentem ipsum filiis substituunt victimam. Annô mundi ter millesimô ter centesimô vigesimô tertio.

*IV. Quid*



*IV. Quid de Merodacho prodidère Scriptores præcipui?*

Is, etiam Nabuchodonosor nuncupatus, captis Jerosolymis, Manássē earundem Regem, abstraxit in Babyloniam; indē tamen post septem annorum vincula denuo eundem suis reddidit, ac libertati.

*V. Quid erat Nabuchodonosor cognomento Magnus?*

Sextus erat ac quadragesimus Gentis Assyriæ Rex, quem ipsum os divinum universæ terræ malleum dixit, ut qui orbem propè universum armis contrivit. Eversis Jerosolymis, multa Hebræorum millia, cum his & dicata cultibus, divinis vasa in Babylonem abripuit. Tam prospero rerum successu plūs nimio elatus, sibi statuam poni auream iussit, in eaque honores humanis maiores deferri. Tulit fastus insolens dignas se poenas à Numine, dum is, qui nuper ultra hominum sortem se extulerat, jam infra sortem hominum cum bobus per sylvas errans, velscēnsque graminibus, devolveretur. Evolutō tandem septenniō in se reversus, poenitensque facti, placato Numine, ad formam hominis, sceptrūque rediit. Vitæ biennium, quod ē sylvis reverso, reliquum fuit, placandis Superis, Divinōque cultui, Daniele (quæ nonnullorum est mens) instituyente, dedit, extinctus anno mundi ter millesimo quadringentesimo septuagesimo secundo.

*VI. Qui*

## VI. Quid de Balthasare constat?

Annò orientis mundi ter millesimò quadringentesimò nonagesimò quintò, quadragessimus nonus, íque postremus Assyriam rexit: anno autem ab imperii parùm rectè administrati auspiciis convivium apparavit multò sumptuosissimum, cui & vasa templi, profanos ùt calices, quibuscum convivæ certarent, adhibuit. Atece! dum plausibus, festisque deliciis ferveret mensa, conspecti in pariete characteres sunt, ignota pictimānu: *Mane, Teckel, Pbares*. Rege totis artubùs ad hoc spectaculum concusso: Unus erat Daniel, qui scripturam hanc, ejùque sensum, è coelo doctus, calleret, quo affuturus propediem Regis interitus designabatur. Et impletum est nocte proxima vaticinium, quā Cyrus Persarum Rex Babylone potitus, Balthasarem purpurā, vitāque exuit. Mundi annò ter millesimò quingentesimò decimò sexto, simul Monarchiæ Assyriæ, postquam annos illa mille sexcentos ac triginta septem in concussa stetisset, terminum fixit.

## Quædam de Regno Assyriorum annotanda.

### I. Cur Regnum Assyrium etiam Chaldaicum aliquando compellatur?

Quòd Reges Assyrii relicta tandem Nive, sedem regiam in Babyloniam, quæ Chaldeæ est civitas, transtulerint.

### II. Cur



*II. Cur in portentosa Nabuchodonosori obiecta statua regnum Assyriæ per caput aureum designabatur?*

Quòd, ut aurum metalla, ita Regnum Assyriæ regna cætera & potentiâ, & amplitudine, & dignitate superaret.

*III. Quem in finem DEUS homines impios, ac Idolis deditos, quales Assyrii erant, tantis divitiis, tantâque rerum temporalium affluentia locupletavit?*

Ut significaret, quàm exiguò haberet in pretio temporales fortunas, quas manu tam larga suis etiam hostibus indulgeret.

*IV. Quæ causa, quòd regnum amplum adeò, Idolatriæ contagio totum corripere, perderetq;?*

Causarum præcipua erat Regum impietas, ut qui præ agnitione Veri Numinis, ejusdēq; cultu inter sordes libidinum se volutabant.

*V. Quò potissimum modò providentissimus DEUS per hos ipsos Reges populi electi bonum promovit?*

Quòd illis regibus ceu flagris usus, suorum culpas castigaret quidem, eosque ad poenitentiam, legisque observantiam compelleret: suâ tamen his ipsis & potentiâ succurreret, eorundem hostes proterendo, ubi magna cum fiducia vocatus fuisset in vota.

*VI. Quonam DEI consilio est factum, ut regnum potentissimum tandem universum corrueret?*

Ut Regum ac populi scelera plecteret, simul humanæ gloriæ inanitatem demonstraret tantæ Monarchiæ ruinâ.

*VII.*

VII. *An in historia imperii Assyrii nubi controversum? Et unde?*

Sunt omnino non pauca, de quibus hac in historia ambigitur: tum ob nimiam temporum antiquitatem, tum ob scriptorum penuriam, qui hisce tenebris lucem majorem possent affundere. Hac de re vix aliud, nisi sacris è paginis habetur. Chronologia multis ex capitibus & ipsa est ambigua.

VIII. *Quid Judei proderant Assyriis, dum apud hos in vinculis tenebantur?*

Poterant ab illis Assyrii virtutem, ac veri Numinis cultum edoceri.



## P A R S II.

### De Monarchia Persarum.

Adverte, duas in classes dividi Persiæ Reges, harum qualibet eorum quinos contineri.

#### CAPUT PRIMUM.

De quinque prioribus Persiæ Monarchis.

I. *Quis primus omnium Imperio Persico præfuit?*

Cyrus à providentissimo Numine ad id fastigii evectus; de hoc enim multò antè Isaias vates præcinuit, eum esse delectum à DEO, ut hujus æterna, atque admiranda consilia velut minister exequeretur. Debuerat Cyrus  
infans



infans etiamnum, Avo Altyage sic decernente, violenta nece extingvi, quem tamen Providentia altior, haud sine prodigio, fatis subduxit. Ubi Cyro ætās crevit maturior, Medos, Persas, Lydos cum Cræso horum Rege ultimo sibi subjecit. Eversâ dein Assyriorum monarchiâ, Asiæ universæ tenuit dominatum. Cum subactâ Babyloniâ, ex Daniele annum nonagesimum tum ætatis agente, coram exhibitis Isaïæ oraculis intellexisset, se quem DEUS elegisset Exercituum Ducem, domitis Gentibus, Hebræos libertate donaturum, iussit hos continuò vinculis solvi, denuòque suscitandi Jerosolymis templi copiam fecit. Tandem post annos sex ad imperii habenas exactos, Rex tot clarus trophæis, obscuro sâne fato, sublatus à fœmina clarere desinit, & vivere. Bellum ei erat cum Tomyri Massagetarum Regina, nulla necessitate susceptum, cujus initia Cyro auspicata fuere, ut qui primo è conflictu reversus victor, regium quoque Tomyris filium inter cæsorum funera numerabat; verum ubi alio, justoque decertatum est prælio, Tomyri inferior cecidit. Occisi caput revulsum à cervicibus, vasique cruore pleno immersum ipsa Tomyris amaro hoc sarcasmo persecuta fertur: *Bibe Cyre sanguinem, quem sitiisti.* Spectavit scenam hanc, & deploravit annûs nati orbis ter millesimûs, quingentesimûs, vigesimûs quartûs.

II. *Quodnam alteri Persico Monarchæ nomen?*

Cambyses, Cyri filius homo crudelis ac

B

bar-

barbarus. Ad hæc ebrietatis vitio ut insignis, ita & infamis. Eam perpotandi libidinem cum Praxaspes amicorum unus modestè corripuisset, rex monitoris impatiens, arrepto mox telo ejus filiolum ictu tam certo ferit, ut cor medium divideret, docerétque, se & bene potum (talistum erat) impotem sui haud esse. Execrandam jaculantis dexteritatem etiam celebrare laudibus debuit infelix Praxaspes, ac fateri coràm, Regem, vel gravem vinò, sibi integrum constare. Non quievit hoc uno infunere Cambyxis immanitas, etiam lororis jugulo ferrum immerisit. Duodenos præterea, quos à consiliis habuit, quod fortè liberiùs pro veritate starent, iussit libertatem hanc luere gladiò. Cæterum, si vel ex virtutis regula videretur agere, locum crudelitas habuit; id, quod tum patuit, quando Judicum nonnemini, æquitatis malè administratæ reo, voluit etiamnum spiranti pellem abstrahi, eaque sellam vestiri, filium verò hujus eo ipso in loco Parenti jus dicere, memoremque sui eum officii reddere. Sed & Ægyptum, quam sibi armis subjecit, crudelitatis quoque suæ documentis implevit. Ibi cum intellexisset, coortum in Persia seditionis quidpiam, malo medicinam laturus, confestim in equum se conjicit, ex hoc cum descenderet, in mucronem, qui per agitationem vaginâ exciderat, illiditur, quo posthac ex vulnere ei mors & interitus fluxit. Annò Mundi ter millesimò quingentesimò trigesimò septimò.



*III. Quam suos gubernandi methodum tenuit  
Monarcha tertius Persiæ?*

Darius Hytaspis hic erat, quem non regius sanguis (nobiles duntaxat natales is habuit) sed Sortis jactus regio diademate insignivit. Perierat in Cambyse stemma regium: quare Primates Persiæ in eam tandem convenere sententiam, ut Regis insignia deferrentur ei, cujus sonipes, die (quam certam signaverant) solem exorientem, qui ipsis pro DEO est, solitis hinnitibus salutaret primus. Salutavit solem primus sonipes Darii, & hinc continuo Rex Persiæ salutatur. Triginta quinque annorum cursu, quo imperium Darius moderatus fuerat, plurimum hujus arma Scythæ, Babylonii, ac præ his Græci exercuerunt. Qui ex Babyloniiis turbas excitarent in Regem, venire rursus sub jugum arte Zopyri Persæ, Ducis bellici circumventi. Præciderat ille sibi cum naribus auriculas, itaque mutilatus ad Babylonios transitum fecit, eam sibi injuriam à Rege illatam, multa, ac simulata acerbitate conquestus, suas incolis partes obtulit adversus Darium. Asseveranti fides est habita, cumque eruptione facta, Persas (ex composito) haud sine eorum damno aliquo repulisset, junctis sententiis se, suosque Zopyri ductui permittunt, qua oportunitate hic usus, pertinacem suo Domino Babyloniam restituit, ac imperata, quæ ante detrectaverat, facere cœgit. Scythas ut sub jugum compelleret, septies centena suorum mil-

lia eduxit, at successu nullo; illi enim vel in montes, vel spelæa dilapsi, quo penetrare tantus exercitus haud poterat, etiam Regi illudere ausi, piscem, murem, ac sagittas misere, significaturi, Persas telis casuros, nî vel cum piscibus in aquis vel cum muribus in montium cavernis sese tuerentur. Sed & Græci plurimum negotii facessiverant Regi; ut ut enim à Persis navali prælio superati cederet, in campis tamen Marathonicis bello superiores ipsi evasere. Militum Græcorum unus quispiam (Cynegyus ei Nomen) singulare sub ea tempora fortis animi spectaculum dedit, cum fugentem navim Persicam natando assecutus, primò quidem dexterâ, tum sinistra truncatus manu, dentibus tandem prehensam retrahere è fuga laboraret, dum capite minutum non animus quidem, sed vita destitueret. Decessurus è vita, quam multam in ætatem provexerat, Darius Xerxem filiū regni hæredem dixit. Annò mundi ter millesimò quingentesimò, sexagesimò nonò.

*IV. Quis erat Status Persiæ Xerxe regnante?*

Sceptro admotus Persico Xerxes, nihil habuit prius. quàm illatam ad campos Marathonicos Parenti cladem armata manu ulcisci. Movet ergo in Græcos cum exercitu, qui trigesses, (ut volunt nonnulli) centena millia suo numero omnino conficeret. Eam copiarum immensitatem cum in itinere è loco quopiam editiore spectaret, lacrimatus ingemuit, animo reputans secum, evoluti paucorum



corum annorum curriculo, nè unum tanto ex numero superstitem futurum. Hellepontum virgis, injectisque compedibus, ferreis castigavit, quod pontem, per quem transeundum militi Persico fuerat, aquarum violentiâ disjecerit: qui verò infortunato operi manus adhibuere opifices, laboris mercedem relictis cervicibus gladium tulere. Ipse porro mari insultaturus septingentis navigiis, velut ponte gemino, aquis injecto copias jussit suas transire. Verùm Marte parùm secundo cum Græcis confligit; hi enim numero inferiores, suppare autem virtute, imò majores, unius spatii anni in conditum Regis exercitum, ter omnino acie superatum, universa è Græcia cedere compulere. Jussit quidem Rex Mardonium copiarum suarum supremum Ducem subsistere, bellique aleam tentare; cecidit tamen hæc æquè infelicitèr Duci, ac nuper cessarat Regi. Ille enim ad insulam Plateam non castris duntaxat, sed & vitâ exutus est relictis ex universo exercitu paucis admodum, qui ad suos redirent, cladis acceptæ testes. Subsidiarias Xerxis copias non magis numero, quàm virtute adauxerat Artemisia Cariæ Regina celebratissimi nominis. Stetit hæc foemina, pugnavitque, Persis etiam viris animò major. Xerxes finitò bellò suas ob libidines tam invisus suis evaserat, ut ei Artabanus, qui custodiæ corporis præerat, regio in conclavi manus violentas inferret, dum ille ab imperio adito

annum numeraret vigesimū; Mundūs à suo ortu ter millesimum quingentesimum octogesimalium nonum.

*V. Quid de Artaxerxis quinti Monarchæ regimine notandum venit?*

Artaxerxi nomen Longimani accrevit à longiore dextera, quod ille naturæ vitium in materiam virtutis laudisque convertit, dum erga suos insigniter munificus omnium sibi animos egregiè devinxit. Arma, quæ vel cum Ægyptiis, vel Græcis conferuit, ei sæpe fragem tulère. Themistoclem Ducem, inter Græcos armis clarissimum, quem suorum invidia Athenis ejecerat, Artaxerxes, dum ad ipsum se exul reciperet, lætus accepit: & quanquam hunc aliàs sibi satis acrem bello persenserat, tamen vel in hoste virtutem reveritus, regiis quoque favoribūs est profecutus. Huic ipsi copias, quas bello proximo Athenis admoturus erat, ducendas obtulit, quam tamen ille provinciam horrebat admittere, certus, in ingratham quidem patriam pugnare: sed & Regi in se tam munifico morem non gerere æquè arduum duxit; Scyllam ergo hanc, unà & charybdim declinaturus, haustō venenō, vitæ maluit jacturam adire, quàm vel apud suos impii, vel apud Regem ingrati notam incurrere. Artaxerxes hic Sacris à Scripturis, ubi de Esthere referunt (quæ nonnullorum est mens) etiam Assveri vocabulo nuncupatur. Postquam sceptrum Persiæ & diu & feliciter tenuisset,



nuisset, moriendi tandem legi & ipse paruit,  
cùm annus volveretur post orbem conditum  
ter millesimûs sexcentessimus vigesimus no-  
nus.

## CAPUT SECUNDUM.

### De quinque posterioribus Persiæ Monarchis.

#### *VI. Quid de Dario Notho memorandum?*

Quòd, dum Rex hic præesset imperio,  
templum Hebræorum ultimam tandem ma-  
num acceperit, fueritque ab iisdem ritu so-  
lemni vero Numini inauguratum. Risum  
meretur insanus amor, quò concubinarum  
aliquam etiam post fata deperibat. Hanc ut  
rursum vivis redderet, nihil intentatum reli-  
quit. Sapiens Democritus, miseri misertus,  
pollicetur demortuam vitæ restituere, ea ta-  
men lege, ut ex omni mortalium numero tri-  
um duntaxat nomina sibi recitarentur, qui  
nullo utiquam animi tædio per omnem vi-  
tām fuissent pulsati. Horum vocabula de-  
functæ tumulo se inscripturum, effecturum-  
què continuò, ut ad superstitēs ea redeat.  
Advertit Darius, quid eo dicto Democritus  
vellet, & à votis inanibus porrò abstinuit.  
Vivere verò & ipse desiit, cùm annûs mundi  
censeretur quadragesimûs nonûs supra ter  
millesimum sexcentessimum.

#### *VII. Quid de Artaxerxe, cui & Mnemon ne- men, quod notandum, occurrit?*

Septimus hic Monarcha Persiæ à felicitate

te memoriæ Mnémonis ( quæ vox memoriâ præstantem sonat ) donatus est. Huic cum Cyro, fratre minore natu, parùm bene convenerat, eo potissimùm ex nomine, quod Parisates Mater, & Græci novis identidem stimulis in fratrem Cyrum concitarent. Verum à fratre tandem prælio superatus hujus & manu cæsus occubuit. Cæterùm erat Artaxerxi humanum admodum, ac liberale in omnes ingenium, cujus experimentum unus de pastorum grege tum cepit, ubi iste Regem ex more gentis munere oblato veneraturus, cùm in paupertina supellectili, nîl, quod afferret, occurreret, exceptam volâ manûs dulciorem lympham, quam proximo ex amne hauserat, supplex porrexit. Mox enim voluntati tam promptæ Rex pretiosam pateram auro plenam reddidit. Egregiis dotibus junxit & scelera, nexu minimè regio, cùm ita ferviret fædæ libidini, ut non Regem se modò, sed & hominem quoque oblitus videretur. Filii, quorum supra centenos quindécim numerabat, ut in quos cum sanguine paterna quoque vitia fluxerant, curis longè molestissimis Parentem vexabant, quarum & mole oppressus respirare simul ac spirare desit. Anno administrati imperii quadragesimo; mundi ter millesimò sexcentesiò octogesimò nonò.

*VIII. Quid de Artaxerxe Ocho, octavo Monarcha, historiæ memorant?*

Fuit hic malæ stirpis haud melior surculus, re propemodum nulla, nisi tyrannide insi-



gnis, ut qui imperium ab octoginta tum fr-  
trum, tum amicorum cæde auspicari non  
horruit, quo scilicet firmior ei thronus con-  
sisteret, tot prostratorum funeribus obvalla-  
tus. Ex ortu tam cruento ruituras porrò  
consimiles pluvias ominari subditi seditio-  
nem spectabant, quam tamen nè palam erum-  
peret, in tempore oppressit. Ægyptios, qui  
iplos quinquaginta jam annos à Persis defe-  
cerant, denuò misit sub jugum. Eorum in re-  
gionibus dum commoratur, Bovem (qui in  
Numinis vicem illis erat) jussit maçtari, splen-  
didòque, quod apparaverat, convivio fercu-  
lum inferri. Maçtato bovi voluit in aris sub-  
stitui asinum, divinisque honoribus ab Ægy-  
ptiis coli. Ubi annos viginti ac sex regen-  
do implèssèt, Bagoas, Regi familiaris inter  
paucos, omniumque ejus arcanorum con-  
leius, venenò hunc ipsum extinxit, extincti  
cadaver famelicis catiis patulum fecit. Quod  
supererat ossum, in gladiorum vertit manu-  
bria, quo significaret, Ochum nè post fata  
quidem grassari in mortalium viscera desiisse.  
Nimirum Bagoas hic, cùm esset Ægyptius  
gente, eo ultionis genere illatam Bovi-deo  
injuriã vindicandam existimavit. Gesta  
hæc sunt anno mundi ter millesimò septin-  
gentesimò decimò quartò.

*IX. Quodnam nomen Persiæ Monarchæ nomen?*

Nomen huic Arseti Filius Ochi erat. An-  
nos haud amplius quatuor dominatus Persiæ,  
& crudeli Bagoa & ipse pariter est veneno e-

nectus, quod statueret in Parentis occisi interfectorem suppliciis advertere.

*X. Quisnam decimus atque ultimus Monarcha Persiæ?*

Darius Codomannus. Hic Bagoæ artibus thronum conscenderat; at mox ab eadem manu, porrecto scilicet veneno, inde deturbandus. Rex parata sibi fata edoctus, ipsum met parricidam toxicum, quod miscuerat, coëgit haurire. Est Darius hic à victoriis Alexandri Macedonis orbi notus, ut cui intra brevissimum temporis spatium universum Persiæ regnum compulsus est cedere. Despexerat Darius ante juvenem admodum Alexandri ætatem, miseratque huic dono virgam, pilam, unà & informem auri massam, quò munere Alexandrum virgis aptiorem, quàm palmis, simul & auri egentem, etsi haud deessent alia, significabat. Verum ludere desuit, dum à Rege Juvene multò aliter sentire doctus, tribus omnino justisque in præliis unà victoriam, unà exercitum propè innumerum amisit. Vix cladem ultimam Darius acceperat, cum & ipse suorum funeribus funus accessit, anno quidem ab orbe condito ter millesimo septingentesimo vigesimo quarto, ab anno autem, ex quo Monarchæ moderati sunt Persiam, ducentesimo octavo.

**Observationes de Monarchia Persica.**

*1. Cur in Nabuchodonosoris statua Regnum Persiæ argento designabatur? Quòd*



Quod imperium illud potentiâ & opibûs afflueret quidem, minùs tamen, ut Assyrium, illis abundaret.

*II. Quibûs potissimùm rationibûs inducti Monarchæ Persici bella gessêre?*

Habendi, dominandi, imperiique amplificandi libido illis pro ratione erat.

*II. Unde factum, ut, cùm Persæ fuerint numerû plurimi, essent tamen ut plurimùm suis hostibus, Græcis præsertim, inferiores?*

Quòd exercitus Persici plûs ostentatione bellica quàm arte bellandi solida constarent.

*IV. Quibus ex causis trium Persiæ Regum, ut Smerdis, Xerxis Secundi, itèm Sogdiani nulla hic memoria?*

Smerdis, quòd mala arte in thronum se penetrârît, locum inter Reges meretur nequitiam. Xerxes II. ac Sogdianus, quòd brevissimò temporis intervallò regios fasces tenuerint, né ab aliis quidem scriptoribus in historias transferuntur. Igitur nec à nobis, ut qui ante alios brevitati studemus. Smerdis Cambyssi: Xerxes & Sogdianus sibi mox successêre, nullo alio, qui præcederet, medio, Artaxerxem Longimanum proximè insecuti.

*V. Quid ex Monarchia Persica electo DEI populo emolumenti fuit?*

Ut tempus suppeteret, quo tum amissas bellis superioribûs vires, tum & Religionis templique sublato honores instauraret.

*IVI.*

*VI. Quenam Persiæ conditio erat antèquàm  
ei Monarchiæ titulus accederet?*

Erat antè pars regni Assyrii, post Sardana-  
pali autem tempora indè avulsa Medis primò,  
tum Cyro cessit.



## P A R S III. De Monarchia Græcorum.

Rei summam tribus partibus complectimur.  
Primâ docemus, quis status fuerit Græciæ an-  
tèquàm Monarchiam haberet. Alterâ, quæ  
memoranda eidem evenerint, cùm Alexan-  
der Magnus ei dominaretur. Tertiâ deniq̃,  
quænam post hujus fata Græci fuerit impe-  
rii conditio.

De Statu Græciæ ante erectam  
Monarchiam.

### CAPUT PRIMUM.

Quænam tempora antiquæ Græciæ  
exstiterint.

*I. Quò avò primùm habitari cæpit Græcia?*

1. Sub annum orbis cònditi à millesimo o-  
ctingentesimo nonagesimum Ægialæus Re-  
gnum Sycionicum. 2. Inachus Argivorum,  
Patriarcha Isaaco etiamnum superstitè, annò  
bis millesimò, centesimò, ac nonagesimò no-  
nò,



nô, Regnum erexit. 3. Athenis fundamenta jacta sunt, cùm Moyses sui fama, ac virtutibus orbem impleret, mundi annô bis millesimô quadringentesimô quadragesimô sextô, qua ætate & Cecrops Regum Atheniensium primus celebratissimum Areopagi tribunal instituisse fertur. 4. Lacedæmonii annô mundi bis millesimô quingentesimô septuagesimo. 5. Thebani mundi annô bis millesimô sexcentesimo vigesimo. 6. Corinthii, bis millesimô sexcentesimo quadragesimô quinto. 7. Mycæni, bis millesimô septingentesimô quinquagesimô septimo. 8. Lydii, annô bis millesimô octingentesimô trigessimô quinto. 9. Macedones, ter millesimô ducentesimo quadragesimô primos Reges accepere.

*II. Quo maxime tempore fabulæ apud Græcos invaluerunt?*

Ad annos ferè quingentos. Ad annum usque bis millesimum octingentesimum nonagesimum quintum, intra quos vera fabulosis, gesta patriæ figmentis miscebant, seu captaturi famam, seu ingenium ad fabulas pronum exercitaturi.

*III. Quinam illi, quorum ante alios Mythologi meminere?*

1. Cadmus, quem primum Regem habuerunt Thebæ. Hic artem formandi characteres primò apud Phænices natam, regno intulit suo.

2. Argonautæ, ductore Jasone, Colchidem Insulam petebant, indè seu vellus aureum,

um, seu præ hoc thesaurum pretiosissimum relaturi, quo tandem post exantlata plura pericula sunt potiti.

3. Hercules Thebanus patriâ, complura gerit prodigiis affiniâ. In cunis etiamnum geminos jugulat serpentes. Vir exitialem aprum Erimanthæum conficit: Nemeæo in nemore sternit Leonem cujus Exuviæ dein huic erant pro chlamyde. Hortis in Hesperiiis Draconem, Diomedem apud Thraces devicit, quem subin & hujus equis pabulum fecit. In terris Lybiæ lucta ei erat cum Gigante Antæo, cui è quovis lapsu novæ vires succreverant, dum hunc tandem Hercules sublimè elatum suffocaret. Lernæo in lacu Hydram prostravit, cui septem capita, quibûs præcisîs singulis mox alia totidem repululabant. Et hæc erant facta, quibus miscere & ficta Græci vates amabant. Ubi diu factis fuisset Hercules spectaculum, factus tandem est hic ipse ludibrium, quando Omphales Reginae Libyæ captus amoribus, eò usq̃ insaniit, ut huic uni placiturus, qui viri mentem multò antè exuerat, jam sub foemineo habitu fila duceret, ultimæque ancillæ vices unus prensaret. Deianira conjux virum aversata, qui foeminâ esset, vestem ei submisit veneno imbutam, hanc simul induit maritus, simul in extremos furores exarsit, quos ut extingveret, Oetæo in monte sese flammis confecit.

4. Agamemnon, Ulysses, Achilles, cum his & alii Heroum de Gente Græci, post-



quam civitatem Troianam obditione decenniali frustrâ tentâssent, quod Marte non poterant, arte effecerunt. Ligneam equi machinam, milite armato gravem, sub ea tempora, quibus arma utrinque quieverant, per aperta mœnia in urbem immittunt, capta subin opportunitate, ferrô cuncta, flammâque pessumdant, vacuumque suis incolis aream sale inspergunt. Annô mundi bis millesimô octingentesimô septuagesimô.

5. Qui præcipuum in fabulis locum tenere, erant: Prometheus, Atlas, Phæëthon, Deucalion, Orpheus, Mydas, Ganymedes, Tantalus, Perseus, Bellerophon, Theseus, Dædalus, Icarus, Oedipus, Atreus, Thyestes.

## CAPUT SECUNDUM.

De tempore intermedio, quo necdum Monarchiis accessit Græcia.

*I. An aliquas, & quasnam mutationes subiêre regna Græcia?*

Subiêre mutationes has, ut: cùm Regnorum illorum pleraque in Rerum publicarum formam transiêre, quas inter præcipuæ Sparta, & Athenæ, quæ cùm diu de primatu contenderent, tandem Sparta prævaluit.

*II. Quid de Codro ultimo Athenarum Rege perhibent Scriptores?*

Premebantur Athenæ obsidione arctissima, cùm Oraculum docet, fore omnino, ut solvatur duro eo vinculo civitas, quamprimum

mun Rex ipse hostia cecidisset. Quò compertò Codrus, urgente animum amore in suos, positò cultu regiò, mendicum indutus, furorìque hostium ultro obuius horum sub gladiis occubuit. Nec multum abiit temporis, quando soluta obsidione hostis discessit. Annò mundi bis millesimò, nongentesimò, octogesimò tertiò,

III. *Quibus cum hostibus erant bella Græcorum  
Rebus publicis?*

Aliquibus earum cum Persis: tandem obortis etiam domi turbis, ipsæ cum semet-ipsis committebantur maximo suarummet virium dispendio.

IV. *Quinam erant Ludi Olympii?*

Instaurabantur hi evolutò quatuor annorum curriculò sub æstatis tempora, ad urbem Olympiam, quò & Juventutis Græcæ flos confluit; seu currendi velocitate, seu librando in àera corporis agilitate, sive globi jactandi promptitudine, sive luctandi dexteritate, sive clavam torquendi peritiâ, sui quivis periculum facturus. Victori ea in arena publici honores habiti, quin & triumphantis more in urbem deducebatur. Cùm annus iret ter millesimus ducentessimus septuagesimus octavus, ex ludis, quos diximus, quatuor añorum spatiū Olympiades nominavêre.

V. *Quid occurrit præterea memoratu dignum  
de ætate media, quæ antiquam Græciam  
à Monarchia distinguebat?*

Insignes viri, vel annis vel scientiâ inclyti,  
quo-



quorum sub ea tempora complures tum Athenæ, tum Sparta numerabat. Et Athenæ quidem Herodēs bellis pro Patria gestis claros, Themistoclem, Miltiadem, Cimonem, Aristidem, Pisistratum, Agesilaum: Sparta Leonidem, Pausaniam, Lylandrum, itidem bello magnos. Rursus Athenæ Draconem, Solonemque: Lycurgum Sparta ob leges in Patriæ bonum prudentissimè latas egregiè de se se meritos commendabat. Porro iis temporibus Thales, Pittacus, Bias, Cleobulus, Periander, Chilo, Selon sapientiæ laude ante alios celebres claruere. Tandem ætati illi splendoris haud modicum addidit Homerus, Herodotus, Æsopus, quorum primus Pœtarum, alter Scriptorum historiæ, tertius illorum, qui condidit fabulas, principes exstiterunt.

## CAPUT TERTIUM.

De postremis Græciæ annis ante erectam Monarchiam.

*I. Quid advertendum de annis, quos ex antiqua Græcia ultimos Monarchiæ tandem status excepit?*

Macedonia pars Græciæ perquam exigua, ut cujus propè nomen ignorabatur, coepit suis tandem è tenebris emergere: imperabat tum Macedonibus Rex Philippus, Alexandri Magni Pater; hic ubi comperit, civitates Græcas turbis domesticis & distentas & fractas,

ctas, iorte hac mala in rem tuam opportunè  
usus est cum successu; brevi siquidem, faci-  
lique negotiò armatus effecit, ut suo, victo-  
ris, arbitrio se se victi permitterent, quin &  
Respublicæ Græciæ ipsum supremum belli  
præsidem junctis vocibus salutarent. Dum  
Philippo plenis radiis bona fors affulget; en!  
ea ipsa luce, qua Cleopatra ejusdem Filia Hy-  
menæum celebrat, parricidalî ferrò confos-  
sus occumbit.

*II. Quinam scientiâ clari iis temporibus Græ-  
ciam illustrarunt?*

Plato, Aristoteles, Socrates, Diogenes,  
Heraclitus, Democritus Philosophiæ: Ar-  
chimedes cum Euclide Mathematicæ: Pin-  
darus & Sappho Pœseos artibus insignes.

Appellem, Parrhasium, Zeuxidem penicilli  
pericia: Phidiam, Policletum scalpri præstan-  
tia commendavit.

**De rebus memoriâ dignioribus Græ-  
ciæ, quando Monarchicum im-  
perium institui cœptum.**

Tria hîc notanda. 1. Acta ab Alexandro,  
ût Juvene. 2. Gesta ab eodem ût Rege.  
3. Facta ejusdem, ex quo Monarcha Græ-  
ciæ evasit.





## CAPUT PRIMUM.

Qualis Alexander exstiterit Juvenis  
antèquàm Regni habenas caperet.

*Quibus ex rebus Magnus Alexandri animus  
se se prodere. cum cepit?*

1. Alexander sub annum mundi ter millesimum sexcentessimum nonagesimum octavum mundo natus, pueriles subin annos cum necdum egressus esset, ubi fortè inauduit Parentis Philippi victorias laudibus celebrari, solutus in lacrymas ità ingemuit: An igitur Genitor nihil, quod superaret, filio reliquum fecit?

2. Cum ei puero Aristoteles præceptor obtingeret, cujus ductu quinque annorum spatio, junctâ constanti operâ, liberalibus in disciplinis multum sanè profecerat, dicere est auditus, se ut dignitate, sic & doctrinæ prærogativâ neminem sibi supparem velle. Detulit magistro huic suo primos semper honores, ut cui plus, quàm Parentibus obnoxium se palàm fatebatur, cum hi quidem, ut viveret; ille, ut viveret bene, tam largiter dedisset.

3. Aderat fortè Alexander solemni sacrificio, & plena manu thura inferebat aris. Adverterat ea liberalitas Leonidem, supremum Aulæ Præfectum, qui proin ad Juvenem regium conversus, hæc in silentio soli; tum enim verò ità posset thura prodigere, ubi earum

rum regionum Dominus esset futurus, in quibus odora menta hæc crescerent. Altiùs juvenili animo Leonidæ monitio infederat, quod tum patuit, quando occupatâ Arabiâ navigium thure refertum Leonidæ misit, adjecitque, aliter modò sentiret, nec jam parca, sed largiori manu Deorum aris thura incenderet.

4. Venalem adduxerant Philippo Alexandri Parenti regio equum, nomen ei Bucephalus, formâ rarâ in paucis. Noluit in hunc Philippus pretium expendere, quòd animal esse resciverat nescium domari. Alia stetit mens Alexandro, placuit Bucephalus, quin, hic ut ferociam poneret, se effecturum, coràm recepit. Risu hæc excepit Philippus Parens: at filius continuò indomitum sonipedem aggreditur, cùmque deprehendisset, equum vel ad proprii umbram corporis resistare, eum Soli obvertit, mox generoso saltu insiliens, ea sibi dexteritate subjecit, ut hanc primò admiratus Genitor, tum & in amplexus rueret filii, cum dicto: Age fili, aliud tibi regnum pete, quàm sit Macedonia; nam hæc tuæ indolis excelsitatem non capit. Porro Bucephalus insignibûs regiis, phaleris que instructus, non nisi Alexandrum sessorem admisit, huic uni se ut tractabilem, cæteris sternacem, sic & fidum exhibuit, eo præsertim in prælio, quod Alexandro cum Poro Rege Indiæ fuerat; ut enim Bucephalus plagis esset perfoßus, noluit tamen citiùs dolori succumbere,



cumbere, quàm regium Equitem præsentî periculo, mediaque ex acie in tutiora deportâset.

## CAPUT SECUNDUM.

### De Alexandri gestis domi, forisque.

*I. Qualis fuit Alexander in Græcia, antèquàm ei bella essent cum Persis?*

Annum egerat Alexander ætatis vicesimum, cùm Regni gubernaculis admotus mox sui terrore Nominis Græcos perculit, ut hi junctis continuò votis, ituri in Persas, Alexandrum (ut nuper Philippum) copiarum suarum supremum moderatorem deligerent. Multùm diversa mens Thebanis erat & Regi aliena; quæ tamen his carò admodum stetit; dum eorundem hic victor Thebas flammis absumpsit, triginta devictorum millibus in servitutem, aliosque ad Dominos proprio abstractis. Hortator quidem Alexandro Aristoteles fuit, Juvenis etiamnum, annos exspectaret, & cum his corporis vires, bello pares: cui tamen Rex illud reposuit, tempore utendum, cujus opportunitas ex arbitrio nostro haud staret. Copias ergo suas in Asiam mox transfert, certus universam suæ subjicere potestati.

*II. Qualem durante cum Persis bello se Alexander exhibuit?*

Alium omnino, quàm eum sibi finxerat Darius. ut qui temeritati juvenili dedit, quòd

Alexander quadraginta suorum millia cum innumerabili Persarum exercitu committere non dubitaret.

1. Ad Granicum Bythinæ amnem placuit Macedonum Regi cum Persis primum con-  
gredi; at licet hostis sexcenta omnino numeraret millia: virtus prævaluit numero, Persis ingenti suorum strage profligatis. Magnô tamen periculô venit ea palma Alexandro; dum is cum Darii genero arma conferret, tandem hunc & conficeret, parum ab exitio abfuit. quando in Resacen Persam nihil cogitans, incidit, ni Clytus militiæ Præfectus caput regium ictui subduxisset in tempore.

2. Alterô mox annô, altera, primâque luctuosior strages ad Issum Ciliciæ civitatem Darium excepit; nam prælio superatus, & undecies centena militum millia, & pretiosissima quæque, & cum Matre uxorem, cum hac & Liberos cedere debuit victori. Cujus arbitrio, post insignem hanc victoriam, civitatum plurimæ ac regionis sese ultro permisere, & in his Sydonia, eventu Abdalonimi ab horto ad thronum translati, incluta.

3. Tyrus erat, quæ una triumphis Macedonum vel metam omnino, vel certè moram factura videbatur. Verum & hæc, post quam septem mensium obsidionem quæ elusisset, quæ tolerasset, Alexandri ferro, flammisque succubuit, & his enim & illo in devictos est itum à victore exercitu, post lauros  
jam



jam & prædas ad arbitrium legente. A prodigio vix abest, quòd Alexander maris partem septingentos amplam passus, cujus aquarum vi civitas, quæ terras respicit, defendebatur, incredibili suorum labore continenti æquârit; jactoque aggere armatum militem urbi admoverit.

4. Et Hebræos quoque sibi subdicere constituebat animo Rex, ut qui høs in comœatu subministrando parùm in sua vota pronos antè fuerat expertus. At Jerosolimas ubi delatus est, rerum multò alia facies erat; simul enim ad urbis mœnia Sacerdotum summum Jaddum, unà & reliquam sacrorum Ministrorum cohortem sibi obviam spectavit, simul animo (altiori scilicet dextera) ita est immutatus, ut Summo Antistiti magnos honores deferret, sacrificiò quoque eadem in Æde oblatò, denique populum, quem armis opprimere statuit, in amicitiaæ fœdus ultro admitteret.

5. Inter hæc Darius pacis consilia animo versabat, certus & filiarum suarum unam regiis nuptiis: Dotis vice imperii dimidium Regi Macedonum consignare. At rejecit hic Darii propositum, asserens, nec duos cœlum Soles, nec duos Regnum Asiae Reges sustinere.

6. Igitur novò, eòque tertiò præliò ad Arbelam vicum Assyriæ est decertatum. Decies centena suorum millia habuerat sub signis Persa. Verùm hic tantus exercitus ingenti  
& ipse

& ipse clade prosternitur. Rex Darius in fugam conjicitur, subin à Præfecto perfido (cui Besso nomen) lethali vulnere petitus, regno simul ac vitâ exiit. Indoluit miserandæ forti Rex victor, iussitque corpus demortui suis restitui more regio procurandum, Parricida Besso meritâ suppliciis sublato. Ipse postmodum universæ Asiæ moderatus.

## CAPUT TERTIUM.

### De Alexandri factis post subactam Persiæ Monarchiam.

#### I. *Qualis Monarcha erat Alexander?*

Alexander cum veste & mentem mutavit, cum habitu Persico hominem libidini & barbaræ crudelitati debitum indutus, maximo partæ hæcenus gloriæ detrimento. Documento sunt, quæ sequuntur. Ac

1. Quidem potuit unica levicula mulier obtinere ab ebrio, regiam ut urbem Persopolim in flammam ac cineres daret. Cujus rei die postero magna Regem pœnitentia subiit.

2. Clytus eorum unus quibus rex dudum intimè affveverat, cui & vitam primo in prælio servatam idem debuerat, morte luit, quòd nimium Regis fastum castigasset, ab eodem ebrio ac furioso in coena confossus.

3. Callisthenam sapientiâ eximium, crudeli tanè supplicio naribus auriculisque mutilatum, ferreæ inclusum cavæ, ludibrio futurum per compita iussit circumduci, quòd divi-



divinos honores, quibus se Rex coli voluit, coràm aulus esset improbare.

*II. Quem tandem exitum sortita est Alexandri vita?*

Quæ Hephæstionem Ecbatanis, eadem Alexandrum Babylone perdidit perpotandi libido, Solemne Regi erat, convivium celebrare sumptu maximo, horum uni cum adfuisset, placuit jam non ferri, sed poculò certare, ac super mentem debellare combibonem, non nisi perpotandi arte celebratum. Post assultus tentatos utrinque, Rex tandem succubuit, mox enim ingentes stomacho dolores, his febrilis ardor succedere, què, cum vino compesceret affuso, & phrenesis cessit, cujus furor eundem consumpsit, cum annum vitæ ageret trigessimum tertium. Quamquam non desint, qui haustum venenū existiment. Ità ante annos occubuit, ad cuius arma paulò antè orbis intremuit. Annò mundi ter millesimò septingentesimò trigessimò.

**Quæ erat conditio Monarchiæ Græcæ ab Alexandri obitu, dum ea defineret?**

Alexánder unus unicus erat, penes quem (sexennio duntaxat) Græca Monarchia nullas divisa in partes integra perstitit. Nec dum anni duodecim effluxerant, & universum hujus germen exaruit, Monarchia verò

diverſa in Regna, ut Macedonicum, Anatolicum, Syricum, Ægyptiumque diſtracta. Regum inſignia ſibi vindicaverant hi ipſi, quibus ſub Alexandro prima in caſtris officia, & ab huius exceſſu Provinciæ diverſarum præfecturæ obtigerant.

*I. Quis ſtatus erat Regno Macedonum, dum omnino ceſſaret?*

Annos ferè quinquaginta ſeptem ſupra centenos ab Alexandri obitu Regnum Macedoniæ ſub Regibus ſeptemdecim ſtetit integrum. Horum è numero primus Antipater. Philippus poſtremo proximus, juncto cum Carthaginienſibus fœdere, Romanis adverſabatur, eamque ob rem ab his graviter quidem acceptus, at non ſolio dejectus. Perſeus Regum ultimus & hic quoque cum Carthagine Romanis adverſo fœdere coaluit; hinc ab illis victus Romam deducitur, exactoque in ea calamitate biennio ceſſit naturæ, Regno Macedoniæ Romanis poſthac Provinciis annumerato. Annò mundi ter miſleſimò octingenteſimò, octogefimo ſeptimo.

*II. Quenam Aſia, quam minorem dicimus, fuit conditio?*

Hæc Antigono ceſſit; at poſt annorum triginta ſex intervallum Syriæ adjecta, nè huic quidem adhæſit perpetuò. Tandem diviſa in minora quatuor Regna abiit, Ponticum nempe, Pergamenum, Armenum, Parthicum, quorum ſingula, poſtremum ſi exceperis,



peris, ante natum Servatorem Romanæ potestatis fuere, & Ponticum quidem, dum Mithridates, ejus regni ultimus, Pergamenum, dum Attalus, Armenum, cum Tygranes ordine postremus imperaret, Parthico denique non nisi Servatore nato à Romanis occupato.

*III. Quisnam Syriæ status fuit?*

Intà ducentorum quadraginta novem annorum limites Reges numeravit Syria viginti duos. Primo horum Seleuco nomen, Antiochus Epiphanes ille erat, qui, Hebræi Nominis cum esset hostis acerrimus, Machabæos Pugiles in lege patria obfirmatos, ultimis affecit suppliciis: Tygranem Regem Syriæ ultimum, Romani sede expulerunt, Syriâ Romanis deinceps Provinciis adscriptâ, relictô, quod habebat, Armeniæ Regnô.

*IV. Quid rerum in Ægypto gerebatur post Alexandri fata?*

Erant Ægyptiis sub Moyfis ætatem proprii Reges, Pharaones compellati. Persis dein, tandem & Græcis adjecti. Denique ab Alexandri obitu, postquam trecentorum ferè annorum spatio Reges tredecim sibi successerant, armorum jure Romanos dominos habuere. Fuit Ægypti Regnum ultimum omnino, quod Monarchiæ Græcæ subjacebat. Primus Græcorum ei Regno Ptolemæus Lagides præerat, à quo & qui successerant, Reges, Ptolemæi sunt nominati. Ptolemæus Philadelphus, literarum cultor verè

verè Regius, septies centena librorum millia comparavit: hic iussit divinos codices septuaginta duorum interpretum opera in Græcum idioma converti, Sapientes hi, etsi in diversa conclavia, quibus includebantur, divisi essent, ad ultimum tamen literarum apicem prodigioso eventu convenerunt. Regina Cleopatra, Romani Antonii infamis amoribus, ab Octavio capta, Romamque translata fuit, ducendâ propediem in triumphum, quod genus opprobrii hausto veneno, vel, ut aliis placet, admota pectori viperâ, prævertit, post cuius fata Ægyptus obvenit Romanis. Atque ita Monarchicum Græcorum imperium, postquam trecentos annos steterat, collapsum est, mundi anno quater millesimò vigesimò quartò.

### Observanda circa Græcam Monarchiam.

*I. Cur Monarchiam hanc portentosa statua ære signabat?*

Ut metallum, sic & Regnum Græciæ commendabat soliditas. Certè hujus conditor fortissimo milite, velut pariete æneo, universam Asiam sibi subditam fecit. Æs omni caret splendore; maluit proin Alexander rerum gestarum gloriâ, quàm evanidis auri & argenti fulgoribus orbi inclarescere.

*II. Cur Græcia viris Sapientiâ bellòque inclitis ita excelluit?*

Fructus hi erant legum, quas prudentissimas & habuit, & coluit.

*III.*



*III. Cur Alexander copiis multò inferior Darium longè superiorem toties superavit?*

Quòd Macedones teneris ex annis rebus duris ac bellicis; Persæ mollibus duntaxat, assuescerent.

*IV. Quem in finem Ludi Olympici à Græcis frequentabantur?*

Ut Juventus Græca prima ab ætate bellis exercitationibus apta redderetur.

*V. Quanam potissimum ratione persuasus Alexander ad subjiciendam sibi Persiam animum adjecit?*

Ingenti prorsus ac satiari nescia Gloriæ cupiditate, quâ ad summa quæque audenda identidem urgebatur.

*VI. Unde post captam ab Ipso Asiam tanta in Alexandro morum mutatio?*

Ab otio, amoréque voluptatum.

*VII. Unde post Alexandri obitum Regni Græci divisio exstitit?*

Quòd Alexandro par nemo succederet, qui vel animò vel ingenio imperium adeò vastum tueri posset.

*VIII. Num Alexander in Sortis fastigio collocatus, verè dici beatus potuit?*

Minimè istud; quod enim & labore arduo comparatur, & modico admodum tempore retinetur, animum verè magnum beare non potest.

IX. *Quò tandem modò Providentia summæ Numinis Monarchicò Græcorum imperiò in bonum electi populi fuit usa?*

Dum gregem suum numerò exiguum adversùs Græcorum vires ità protegeret, ut premi quidem à Syris, nunquam tamen opprimi pateretur. Sic futuræ prælusit Ecclesiæ, contra quā inferi nunquā essent prævaliuri.

X. *Quam ex hæcenus intellectis Christianus Lector doctrinam deducet?*

Omnem Sæculi pompam Alexandri gloriæ esse persimilem, quæ, ut ut maxima, repente evanuit.



## P A R S IV.

### De Monarchia Romana.

Univerſa, latiffimèque patens Hiftoria partes duas complectitur; prior ea continet, quæ ob fui insolentiam ante institutam Monarchiam præ aliis memoriam merentur: pofterior verò illa, quæ Monarchas ipſos ad ætatem uſque noſtram concernunt. Notandum, geſtorum Conſtantini partem duntaxat aliquàm hîc à nobis referri, partem eorundem alteram, alteri loco ſervari.

Monarchia Romana uſque ad primum Univerſi Imperii moderatorem:

Adverte i. quæ ante Romam conditam  
quæ 2.



2, quæ post conditam, sub Regibus, 3, quæ sub Consulibus gesta sint.

## CAPUT PRIMUM.

### De statu Italiæ ante ædificatam Romam.

I. *Quanam Italiæ conditio erat, quo tempore primi eidem Reges imperabant?*

Quæ de tempore illo habentur, incerta omnino sunt, quòd eorum pleraque figmentis conspersa sint. Ajunt, Reges unum supra vicanos, Romulum præcessisse in imperio, primùmque eorum exstitisse Janum, quem subin inter DEOS locârunt fronte gemina spectabilem: alterâ, quæ Juvenem referebat, hujus in futuros annos providentiam, alterâ, quæ senem, ejusdem experientiam ex præteritis, designaturi. Jani honoribus templum, cui à Pace nomen, Romæ erectum stetit, solitum, aperiri, quoties Mars immineret, claudi solitum, quoties ille discederet.

II. *Quanam mutatio in Italiæ terris post eversionem Trojam?*

Delatus in Italiam sub annum mundi bis millesimum octingentesimum septuagesimum primum Æneas Trojanorum Principum unus, cum Laviniam Latini filiam solemni Hymenæo sibi junxisset, à Regis excessu in administrando Regno & ipse & filii hæredum jure successêre.

III.

*III. Quisnam paulò antè quàm in Roma condere-  
tur, eventus occurrit notatu dignior?*

Desiderabat Procas Numitoris ac Amulii Genitor, lua ut post fata superstites filii divisum inter sese imperium haberent. Displicuit Amulio mens ea Patris; rejecto hinc fratre, Egestho ejusdem filio cæso, filiaque Rhea Sylvia ad Vestalium ædes detrusâ, quò throni esset securior, sibi Regnum solus vindicavit.

Ubi Rhea Sylvia Romulum ac Remum orbi peperit, mox utrumque Amuliûs Tyberinûs fluctibûs jussit submergi. Verùm pepercêre undæ gemellis infontibus, exposuêre in lictus proximum, ubi, ut fama est, à Lupino lacte, vel à mulierum una, quas Lupas dicunt, nutriti, denique Pastori Faustulo educandi celsêre.

Postquam adolescentes suo à nutritio pastore didicêre, quo oriundi stemmate, quas in spes prognati, quibus itêm fati destinati fuissent ab Amulio, intimis sensibûs commoti, adlecta sibi fida pastorum manu crudelem Amulium suamet in arce confodiunt, Numitore per vim nuper ejecto, regium rursus restituto in solium. Numitor gratias habiturus iis, qui se ad thronum denuo evexerant, spatium terræ donat amplum in primis, facitque urbis ædificandæ copiam. Accipitur oblatus favor, & cùm annus inter à mundo condito ter millesimus, ac primus, conditur & Roma.



## CAPUT SECUNDUM.

De rebus scitu dignioribus post Urbem conditam, cum ei Reges imperarent.

I. *Quid de Romulo Regum Romanorum primo memoria proditur?*

Huic ut nomen, ita & primos ortus debet Roma; nec enim erectam penitus eam Remus spectavit, occisus à fratre, quod urbis moenia humiliora etiamnum, per ludibrium transiisset. Sub ea tempora Romam, non tam civium, quam nequissimorum hominum receptaculum dixisses, ita indulgente Romulo, quin & promovente; fecit enim hic, ne uxores his deessent. Spectaculum Romæ dandum commentus ingentem Sabinarum numerum eâ escâ proposita pellexit in urbem; & vi quoque adhibitâ in eadem retinuit. Res ea cum Sabinis Romanos etiam armatos commisit. Nec diu tamen bellum id tenuit, cum Sabinorum Filia intercederent, palam contestatæ Romanis à maritis recessuras se nunquam. Consecuta hinc quies primò, tum pax, tandem & utrinque amicitia. Qui opibus Romanos inter cives pollebant præ aliis: *Patrum*, horum filios *Patrium* appellatione donavit Romulus. Divisa subin plebe in tribus suas, singulis Decuriones statuit, centenis omnino Senatoribus sibi adscitis, qui in regenda urbe suis ipsum

D

curis,

curis, laboribúsque juvarent. Tandem quod Legum ab se latarum rigidius nimium exactor esset; clam sublatus è mediò, inq̃ syllabum Deorum relatus Quirini sub nomine venit. Annò nascentis mundi ter millesimò trecensimò trigessimò octavò.

*II. Qualem Namæ Pompilií secundi Regis Romanorum regimen?*

Hic idolis & ministros & aras, & certos cultus dedit, ac præcipuè magnificum Jano templum. Annum, qui denis duntaxat constabat mensibus, ut posthac constaret duodenis, instituit. Complura sanxit præterea, regimini politico opportuna in primis.

*III. Qualis erat in suos Rex ordine tertius, Tullus Hostilius?*

Tullo militarem primò peritiam, tum & gloriam Románi debent; primus enim erat, qui Romanæ Gentí Lauros intulit. Ipso jubente tres Horatii Románi fratres, cum tribus itèm Curiatiis Albæ natis, mutua bella confecêre. Ex Horatiis continuò gemini ferrò succubnêre. Tercius Curatios singulos singulis cædibus prostravit, Victórq̃ rediit. Stetit penes Tullium potestas Regni ad annum usque mundi ter millesimum quadringentesimum decimum quartum.

*IV. Quid de Anco Martio, quarto Romanorum Rege posteris traditur?*

Hic Romæ nova struxit mœnia, ipsamque civitatem majora produxit in spatia. Urbem Ostiensem loco, ubi Tyberis seles exonerat, dem ædificavit.



V. *Quia de Tarquinio Prisco, dum Romanos regeret, perhibetur?*

Græcus natione, oriundus Corintho Romæ domicilium fixit. Hunc ceu Virum notum prudentiâ Ancus Martius fuisse duobus filiis delegit tutorem, quam ille provinciam ea laude sustinuit, ut ei tandem imperium obtingeret universum. Sua Tarquinio insignia Reges debent Romani, ut qui eorundem usum primus instituit A. M. ter millesimô quâdringentesimô trigesimô septimô. Præfuit Regno ad annum ter millesimû quâdringentesimum septuagesimum secundum.

VI. *Quam laudem à regendi arte tulit Servius Tullius?*

Magnam sâne ut qui Romam non spatîs modò, sed & ordine Politices insigniter amplificavit. Sub annum M. ter millesimum quâdringentesimum septuagesimum septimum, annos imperiî sui protendit ad mundi annum ter millesimum quingentesimum secundum.

VII. *Quenam ultimo Romanorum Regi Tarquinio indoles? cur Roma pulsus?*

Indoles ei erat furore plena, fastûque. Hic, dum fortè hortos regios obambulare, summos papaverum vertices decussit, eo factò significaturus filio Tranquinio post captos Gabios in magnatum capita parî ferociâ desæviendum. Quo ex tempore Regno præfuit, ea ferè re una sibi laudem paravit, quòd Capitolinam arcem excitaverit. Cæterum ob mores pessimos, ut indignus imperio una

cum stirpe ejectus est Urbe Regum hic fuit postremus, cui subrogati mox è Consulibus gemini, qui rem publicam cum potestate procurarent. Annò ter millesimo quingentesimò quadragesimò quintò.

### CAPUT TERTIUM.

#### De memoratu dignis sub regimine Consulum.

Adverte, quænam fuerit Consularis forma Regiminis. Deinde per sequentes paragraphos imò quid ante 2dò quid durate, 3tò quid finitò bellò Punico Romanis evenierit.

*Quæ erat forma Consularis regiminis?*

Amplissima fuit potestas Consulum sub prima tempora, ut, quæ à potestate Regum eo ferè uno capite distabat, quòd Consulibus in annos singulos novi duo succederent. Tum, flagitante sic plebe, delecti fuere & alii, qui plebem tuerentur, tribunus plebis inde nuncupati, quorum potentia usque eò invaluit, ut populus auctoritatem Consulū omnino supprimeret. Successere illis Decem-Viri, penes quos tempore aliquo rei summa perstabat, dū tandem ea rursus ad solos Consules universa rediret. Sed nè hæc quidem methodus inquietis subditis placuit diu, modò belli Ducibus, modò Consulibus rem publicam administrantibus. Tandem in eam ab omnibus sententiam ventum est (quæ jam dudum populo fuerat) ut Consulum alter legeretur è plebe, quæ regendi forma perseverabat, dum Imperato-



res gubernarent Imperium. Quando novarū quidpiam difficultatum nascebatur, Dictatores electi sunt, quibus potestas erat, quæ Regibus, ea tamen lege, ut eorum, quæ antè egerant, redderent rationem. Post abrogatos Reges iisque subrogatos Cæsares continuīs Roma bellorum fluctibūs impetebatur.

## §. PRIMUS.

### Quæ Romanis evenerint ante Punicum Bellum.

Quingentos intrā annos antèquàm bellum oriretur Punicum, angustiores eò usq; limites magnīs auxēre incrementīs Romani, quando universam sibi Italiam subjecēre, qua tamen ex re ipsis bella septē horrida nata, quæ sequuntur.

#### *I. Quid in bello adversus Hetruscos accidit Romanis?*

Imploraverant ejectioni Italiā Tarquinius Priscus Regem, ut hic rursus sceptrum, quod Romani ademerant, iisdē denuò armatō redderet. Addixit Priscus operam, quā tamen Romanorum Herōes duo, ratione, quæ sequitur, elusēre.

Alteri nomen Horatius Cocles. Hic inimico agmini, dum per Tiberinum pontem Urbis imminet, mira dexteritate dimicans, unum se obicem ponit, dum ponte post terga dejecto ad suos felici natatu per aquas evaderet.

Alter Mutius Scævola erat. Mutato hic habitu in Priscus castra contendit, ipsum sua manu Regem interfecturus: sed abberravit illa

à scopo, dum unum è regis Ducibus, quem pretiosior cultus à Rege haud satis distinxerat, prosterneret. Errorem hunc suum Scævola ut castigaret, exerrantem manum ardentibus prunis immisit, suo dolori has insuper minas adjiciens: esse Romanis ex Equitibus omnino trecentos, qui junctis contra Porfennam studiis errorem suæ hujus dexteræ certiore manu essent correcturi. Exarmavit ea loquentis libertas sic Regis animum, ut Mutium vinculis, Romam metu, pace data continuò liberaret. Annò M. ter millesimò quingentesimò quadagesimò septimò.

*II. Quis successus Romanis cum Vejentum Populo?*

Quàm sinistre jacta est prima hujus belli alea, tam prospere cecidit suprema. Persualerant sibi Fabii ( stirps fuit inter Romanos incluta ) unos se futuros pares, qui præsens bellū optato fine coronarent. Hinc trecenti numero cū multa clientum turba in hostē moverunt. At res secus evenit; nam una strages Fabios omnes delevit eo duntaxat relicto superstite, quē prima ætas armis exitioq; subduxerat, Romæ delitescentē. Contigere hæc annò M. ter millesimò quingentesimò septuagesimò 7mò.

*III. Quid memoriâ dignum occurrit, dum Romani bella cum Faliscis gererent?*

Admoverat Camillus Faleriæ (metropolis ~~ea~~ erat) Romanas copias, cū ecce! Ludi cujusdam publici moderator, nobilium puorum stipatus grege extra Urbis mænia Camillo se offert, ratus, futurum, ut oblato tam liberali



rali pignore oppidati se dederent, Camillus verò industriam hanc suam manu munificè remuneraretur. At perfidum hominem dedignatus Camillus puerorum singulis porrigi virgas jubet, quibûs instructi proditorem in urbem, unde advenisset, reverti cogèrent. Hoc Camilli ingenium ità placuit obsessis, huic ut sese ultrò permitterent. Annò mundi ter millesimò sexcentessimò sexagesimò.

*IV. Quo armorum successu Galli contra Romanos sunt usi?*

Usi fuère successu aliquo, vel, si mavis, nullo. Postquam Galli universam latè Italiã quã ferò, quã flãmîs misere devastassent, ad ipsã Romanam animos adjecère. Jamq; post expilatam, incensamq; urbem eò processerant, ut admotis tenebrarum beneficiò, scâlis, Capitoliî mœnia superarent, cùm anteres insolitis stridoribus Marco Manlio arcis Præfecto hostem prodidère. Quo ex tempore id avium genus, ut cui suam Roma salutem debeat, Capitolina in arce magno semper pretio fuit. In eam deniq; sententiam cum Manlio venère Galli, obsidione urbem se liberaturos, ubi mille auri libris eam libertatem oppugnati còemerint. Mora multa non fuit, & numeratur peculium quod petitur, at, dum inter altercantiû turbas aurû examinatur, advolat cum suorum manu, quàm tumultuariè collegerat, Camillus, cogitq; hostem & prædam relinquere & Urbem. Repetièrè quidem Galli eandem sapius aream, indè tamen nunquã, nisi magna suorû clade rever-

si. Sæviera sub eam tempestatem in Romanos. lues pestifera, simul & portentoso hiatus terra patebat, cum oraculo edocentur cives, tum malo denique finem affuturum, ubi thesaurus urbis maxime ei voragini pabulum fieret. Excitavit ea vox Curtium nobilissimum Equitem, ut consensu protinus equo ipse habitu, armisque insignis hianti cavernæ generoso saltu sese præceps immitteret, daturus eo facinore thesaurum maximum, quæ ille sortem animam existimabat. Et verò vix præceps Curtius iverat, & minui civium funera capere. Anno ter millesimo sexcentesimo nonagesimo secundo.

*V. Quonam Marte Romani cum Samnitibus pugnârunt?*

Non nisi multis, magnisque stetit laboribus, dum tandem Romanis subderentur Samnites. Ab urbem Caudium Romano militi res nimium arctæ; nam inimico vallatus exercitu eò redactus est angustiarum, ut seminudus, omniumque patens ludibrio erectam furcam pronus in poplites perreptare haberet necesse. At turpissimam labem hanc, Romanæ impactâ Gentis, ultima luerunt perniciæ Samnites. Anno M. ter millesimo septingentesimo octogesimo secundo.

*VI. Quid in bello cum Latinis gesto memorabile?*

Torquatus Manlius eo in bello filium proprium capitali supplicio sustulit quod is non expectatō Parentis imperio hostem agredi fuisset ausus, quanquam prælium id cesserit Romanis ex voto. Anno ter millesimo septingentesimo decimo quinto. VII.



*VII. Quis a bello cum Tarentinis suscepto exitus fuit?*

Sub finem exoptatus omnino. Piratarum more naves Romanorum Tarentini invaserant, eorundemq; Oratorem despexerant superbè, quàm ob rem illi in Tarentinos movere armati. Superati primo certamine Tarentini à Pyrrho Epirotarum Rege subsidia petiêre. Adfuit ille, & quòd secum elephantos duceret, eam usq; in pugnam animal haud cognitum Italis, non terrori modò Romanis, verùm & exitio fuit, ut quos acie profligavit, eo tamen propriarum copiarum damno, ut asseverare auditus sit, parem se victoriam vel suis hostibus exoptare. Dum verò identidem instaurantur prœlia, succubuit Pyrrhus, ut adeò sex annorum spatiò extenuatus viribus, minimè invitus remearet ad suos, Tarentinis Romanorum potestati subiectis

## §. SECUNDUS.

De memorabilibus Romanis tempore triplicis belli Punici.

*I. Quenam in primo bello Punico notatu digniora contigêre?*

Carthaginenses, qui Africam incolunt, dicebantur & Pòeni. Regio, quam tenuêre, terra Punica, unde & bello Punico appellatio facta. Moverat Carthagini Romana felicitas, quâ in Italiæ terris florebat, dudum invidiâ; veriti proin Pòeni, nè eadem novis incrementis succresceret, sua horum triumphis arma

obicere constituebant, nec diu abfuit exequendi hujus consilii opportunitas. Et Romani, & Pòeni suam esse cupiebant Siciliam; quare in hanc arma parabantur ab utrisque. Cùm verò intrà annos viginti ac tres, quibus bellum illud flagraverat, penes Romanos ut plurimum staret victoria, seu terrâ seu mari dimicaretur, pax à victoribus petenda Carthagini fuit. Nec rejecta petitio, eo tamen pacto, ut & Siciliam ipsis cederet, & septies ac vigesies centena nummum millia numeraret. Annò M. ter millesimò octingentesimò duodecimò.

*II. Quid de altero cum Poenis bello memorandum venit?*

Alteri huic bello primas faces attulit Saguntus, Hispaniæ civitas, ab Hannibale Carthaginensium Duce fortissimo cœpta oppugnari. Cùm enim urbs ea Romanis esset juncta fœdere, eorum quoque sub præsidio fuit.

Hannibal, qui novem puerannorum solemnè sacramentò odium in Romanos ad aras spoponderat, palàm denuntiato illis bello cum Poenorum exercitu trans alpes in Italiam movit, eo armorum successu, ut quaternis è præliis, Romanis cadentibus, ipse victor rediret. Certamine, quò ad Cannas pugnatum est ultimo, quadraginta suorum millia Romanus desiderabat. Pretiosi ex auro annuli cæsurum ea strage Romanorum Nobilium complures modios explevere, quos subin Hannibal illustre documentum victoriæ, Carthaginem submisit. Pro-



Prostravit ea clades adeo vegēmenter Romanæ superstitis animos, ut conclamatum penitus de salute fuisset, si suâ Victor fortunâ in rem suam uti meliùs novisset; dum enim hic, nescio quas moras nectit, spatium Romanis fecit, quò fractas illi vires aliquantùm reficerent. Certè Fabius Maximus, propè unicus rem amissam restituit; & cunctando quidem, quo Hannibalis robur magnam partem infregit. Dictus inde Fabius *Cunctator*. Cæterùm interea temporis ita vires, & cum his virtus pristina rediit Romanis, ut pares brevè essent, qui inimicam potentiam soli repellerent.

Ea inter Italos mora cùm Hannibali in dies gravior accideret, subsidiarias Carthagine copias accivit. Jamque Aldrubal frater octoginta suorum millia fratri erat juncturus, cùm interceptus à Romanis fuit, cæsùsque. Subin Hannibal, se in Africæ tutiora recipiens, Africano à Scipione (à perdomita Africa sic nominato) excipitur, premitur, profligatur. Factum indè, ut Carthago pacem supplex peteret, nec repullam ferret, ubi data fide promississet, nunquam posthac futurum, ut Româ non annuente, ulla cum aliis arma contereret; futurum præterea, ut suam classem ad navium triginta reduceret numerum. Gesta hæc sub annum ter millesimum octingentesimum quinquagesimum secundum.

Spatio illo temporis, quod ab altero ad tertium

tium utque cum Pœnens bellum fluxit, Macædones sibi, Syroſque ſubjecere Romani.

*III. Quo tandem ſine terminatum eſt tertium cum Pœnens bellum?*

Postquam Pœnos inter & Romanos ipsis quinquaginta annis firma pax ſtetiſſet, Romani denovo ad caſtra redire, nempe à Carthaginienſibus provocati, dum hi contra datam ab ſe fidem Maſiniſſæ Numidiæ Regi, non requiſitis ea ſuper re Romanis, arma intuliſſent. Catoni hæc ſtetit ſententia, ſola ut Carthago, caput tumultuum, pœnas exſolveret, diruta pœnitus & æquata ſolo. Multum ab hoc diverſus Scipioni animus, volenti, infringendam quidem Pœnorum potentiam, eliminandam non item; habituros enim hac ratione Romanos, quo ſua inimicis in jugulis arma, velut ad cotem identidem acuant, nè obducta inertī rubigine ſibi met ipsis plagas omni bellō funeſtiores conſciſcant. Verum mutatis ruſum conſiliis, idem Scipio Carthaginem evertit, cum incolæ oblatas pacis conditiones reſpuerent. Tenuit obſidio quadriennium, quo oppidani intentatum nihil relinquerant, ut obſidentium fruſtrarentur conatus. Ubi ferrum ad procudenda arma deſuit, in ejus vicem argentum aurumque accerſebant: tigna ædium aptabantur in naves, è capillis mulierum funes parabantur. Tandem vi expugnata civitas, nè flammis interiret hoſtilibus, ipſa ſibi faces ſubjecit, quibus leptendecim dierum intervallo



vallo consumpta subdidit in cineres, cum hac & bellum. Universa Africa Romanis post-hac Provinciis adnumerata. Annò mundi ter millesimò nongentesimò octavò.

## §. TERTIUS.

De bellis, quæ Romanæ Genti fuere cum externis post everfam Carthaginem.

Per singulas orbis tunc cogniti partes, Europam, Asiam, Africam sua Romani arma circumtulere, postquam bello Punico fuisset finis impositus. Argumento, quæ infra referentur, sunt.

### *I. Quò eventu progressi sunt per Europam Romani solutò bellò Punicò?*

Sæculum fluxit integrum à bello Punico, usque dum suos Roma Cæsares haberet, quæ intra tempora universam sibi Hispaniam Romani subdidere post urbem Numantiam, quam annorum quatuordecim obsidione eò redegere, desperatis ut rebus finem factura, igni ferroque semet ipsam perderet. Julius Cæsar Galliam Romanis Provinciis suorum virtute armorum adjecit. Effecit hic ipse, ut Britannia singulos in annos tributa penderet Romanis.

Cymbri, qui Dani sunt hodie, postquam Romanorum exercitus quatuor, continuis totidem præliis delèssent, tandem ipsimet unà cum armorum Sociis Teutonibus prope  
Aguas,

Aquas, quæ Provinciæ civitas est, succubuerunt, ducentis & nonaginta militum millibus partim cæsis, partim suo cum Rege Teutobochus in vincula abstractis. Ariovistus Rex Teutonum & ipse Julio Galliam cecidit, præliò superatus, ultraque Rheni littora se coactus recipere.

*II. Num prosperæ Romanis res in Asia fuere?*

Prosperæ omnino; nam primò quidem Regnum Pergamenum, thesauriq; cum hoc opulentissimi cum ultimo ejus Gentis Rege Attalo: tum Armenum, sub Tygrane: Ponticum dein sub Mithridate, Regionum earum Rege postremo, sub potestatem venire. Fuit Mithridates viginti duarum notitiâ linguarum clarus, clarus item ferrò, quod Romani multum persensere, diuque. Hic, nè in hostium manus veniret, sua ipse fata prior occupavit, mucrone, ubi venenum antè hunc ipsum in finem hausisset innoxius. Porro Romani Hebræos, quos primùm sibi junxerant fœdere, fuerantque contra hostes tutati, hos denique ipsos sibi tributarios fecere.

*III. Quid rerum in Africa iidem gesserunt?*

Jugurtham, qui Numidiæ solium per vim invaserat, armis petierunt, quæ tamen hic, datis muneribus, tam dextere elusit, ut diu extra teli jactum graviores esset. At non perpetuò valuit ea industria; nam captus ab hostibus, ductusque in triumphum Romanæ civitati spectaculo juxta ac ludibrio fuit. Sed & Ægyptus, ut aliàs memoravimus, post  
fata



tata Cleopatrarum Romanorum Imperio accessit.

## §. QUARTUS.

De bellis Romanorum intestinis ante Monarchiam conditam.

Dum penes Consules Imperii fasces essent, attigerat Romana felicitas supremum verticem. At mox inde deturbata est armis domesticis, in quo multo suorum sanguine horridis, quando jam in Magistratum cives, jam Patritii in semetipsos mutuis odiis, caedibusque surrexere.

1. Quæ bella Populo adversus Senatum erant?

Quas Tribuni plebis populi bono Leges sanxere, eadem ipsæ, seu totidem scopuli fuere, ad quos allisa quies publica concideret. Harum unam dixere legem *Agrariam*, quâ Nobilium usibus certa terræ portio designabatur, portione, quæ supererat, relicta civibus. Aliam nominavere *Fruentariam*, quod communi ære conservari Granarium vellent, unde sustentando Populo pars assignata cederet. Tertiæ legi *Judiciali* appellatio, quæ & Senatores, & Equites publicis adesse consiliis, ac ferre calculos imperabat. Lex *Civitatis* Jura eadem, quæ civibus, foederatis quoque tribuebat. Atque ex lege hac bellum emerfit *Sociale*, dum foederati negata sibi civium Jura ferro expetebant.

2. In Siciliae terris servi contra Dominos sese armarant, quod hi potestate sua uterentur.

tui alpenus. Et vero à servis Romani prostrati sunt cōpluribus in præliis, deniq̃ tamen ipsi, qui vicerant, missi sub jugum imperata rursus fecêre. Bellum hoc à servis *Servile* nuncupatum. Spartacus Gladiator, & ipse sibi servorum adsciverat manum, quæ permolesta initio Romanis exstitit, dum tandem pars leditiorum potior caderet ferro

3. Impius Catilina, quod affectati honores Consulis ei negarentur, facta cum æqualibus conjuratione, Româ flammis destinavit. Verū scelerata consilia detecta in tempore Orator Cicero, qui sub eam tempestatem & Consulibus fugebatur officio, dissipavit penitus, evertitque. Conjectus igitur in fugam est primò Catilina, paulò post & è vita abiit, ubi latronum exercitum, quem per eos tumultus corraserat, prælio amisisset. Annò mundi ter millesimò nongentesimò nonagesimò primò.

*II. Quenam bella Patritii invicem gessêre?*

Tria: & primo quidem Sylla, Marius, ac Cinna, altero Crassus, Pompejus, & Cæsar. Tertio Lepidus, Antonius, Octavius mutua arma conferebant.

1. Marius & annis gravis & armis inclytus, cum ægre admodum ferret, Syllam juvenem copiis in Asiam ducendis præfectum, illud tandem apud Senatum potuit, ut hic commisso Syllam officio amoverat, Mariumque sufficeret. Ablatos sibi honores Sylla tam acerbè sensit, ut ultimos in furores exæstuans,  
copi-



copiarum partem Romæ admooveret, pulsò-  
què indè Mario Cinnam Cosulem diceret,  
à quo novâ rursus sententiâ exercitui præfe-  
ctus, perrexit in Asiam, bello Pontico finem  
daturus.

Vix ille abierat, & Cinna desertis Syllæ  
partibûs Mario adhæsit, omnibus, qui à par-  
tibus Syllæ steterant, & Româ pulus, & eo-  
rundem fortunis direptis in spoliis.

Dum hæc in urbe geruntur, ex Asia redux  
advolat Sylla, adveriæque partis centena o-  
mnino millia vel exilio mulctat, vel capite.  
Ipse à Romanis, Dictatoris perpetui dignita-  
te insignitur, cui post exactum triennium  
ultra renuncians, annum qui vitæ supererat,  
voluptatibus tradit, & pediculari tandem  
morbò conficitur.

2. Crassum inter, Pompejum, ac Cæsarem  
ut animorum, sic & annorum erat arcta Soci-  
etas, quod tamen vinculum mors Crassi in-  
fregit, Parthico nimirum in bello extincti.  
Morientis ori liquefactum hostes aurum in-  
gelsere, eo tormenti genere nimiam homi-  
nis avaritiam castigaturi. Coorta subin in-  
ter duos contentio, num Cæsari potestas  
prima, num Pompejo competeret? formi-  
dandum bellum accendit. Primus inimica  
signa Cæsar extulit, quando Pompejum eje-  
cit Italiâ. Nè verò aurum, nervus belli, i-  
psum deficeret, expilato Romæ ærario cente-  
nariis argenti aliquot millia secum in Hi-  
spaniam avexit, turbas, quas Pompejani illic

E

con-

concitaverant, compositorus. Inde delatus in Asiam Pompejum ipsummet agreditur, quem & Pharsalicis in campis acie devictum eo redegit, ut à fuga salutem peteret, in Ægyptū contendens, quæ tamē ei terra exitio fuit.

Cæsar subinde composito, quidquid seu in Asia seu Europa tumultuum supererat, triumphantis ritu Romam ingreditur. Dictatorisq; perpetui honoribus ornatur. Unus denique habenas imperii capeffit, qua ex re à multorū calamis Imperatorum Romanorum primus celebratur. Cæterum, quàm ampla potestas Cæsari, tam & fuit brevis. Annus enim non abiit, & in ipsa curia Romæ à conjuratis, tribus ac viginti confectus vulneribus, occidit, turbatæ libertatis publicæ insimulatus. Fuit Cæsar hic militari gloriâ non inclytus modò, sed facilè omnium summus, ut cui quinquagenis è præliis diversorum hostium triumphatori Roma applausit. Verum, quàm magnus bello, tam infamis avaritiâ, ambitione, libidine idem exstitit. Ejus tamen memoriæ è mensibus unum, quem Quintilem antè indigitârunt veteres, jam Julium dedicavere. Cæsus aundò mundi quatermillesimò decimò.

3. Octavius Nepos Cæsaris, quem & Hæredem suum idem dixerat, inito cum Lepido, Antoniòq; sædere, tres in partes divisum tenuere Imperium, unde sunt & *Trium-Viri* nuncupati, improbantibus licèt eam regendi methodum Cassio, ac Bruto, & ambobus pro libertate Romana acriter dimicantibus. At successu



cessu nullo; nam uterq; in Macedonia acie superatus, nè superstes porro viveret probro, manu quivis sua obtruncatus periit.

Sed & Trium-Viratus hic integer diu non stetit, Lepido non jam suo, sed Octavii arbitrio agere coacto: ut cui, nescio quid simultatis cum illo intercederet, nec resistendi par suppeteret copia.

Antonio Socero, annuente Senatu, bellum denuntiârat Octavius. tum quòd is Octaviâ sorore suâ repudiâtâ, Cleopatram sibi conjugem superinduceret, tum, quòd fama esset, unum illum Ægypto dominari constituisse. Et verò cessit Octavio ex animi sententia belli alea, Antonio ad promontorium Actiacû in Epiro situm castris exutô, ac subin. dū fugitivo Ægyptû peteret, suamet manu confosô.

Stetit ergo penes unum Octavium rei universæ summa, ità consentiente Senatu, ità annuente populo, dum mundus annum numeraret quater millesimum vigesimum quartum, quò & Natales accepit suos Monarchicum Romanorum Imperium potestate Consulium, Reique publicæ penitus extincta.

**Notanda circa Romanam historiam  
antè, quàm Monarchicum imperium esset.**

*I. Cur in Nabuchodonosoris statua crura ferrea  
Romanum Imperium designabant?*

**Ad demonstrandam Romani potentiam**

**Et**

**Im-**

Imperii, ut enim ferro metalla cedunt reliqua, ita Romanò imperia cætera.

*II. Unde Romanis tanta felicitas existit?*

Tum quòd felicitate illa DEus virtutes eorundem politicas, Justitiam præcipuè coronaret: tum quòd ob abominabilem cultum idolorum, aliaque enormia flagitia præmium aliud dare non posset. Tum quòd horum Respublica optimis legibus regeretur.

*III. Quinam apud Romanos Divini erant ritus?*

Risum hi merebantur, tot enim sibi DEos Romani finxerant, ut vix locus privatis inædibus aut campis existeret, cui non certus quispiam DEus præstideret.

*IV. Unde in re tanta, tanta profluxit insania?*

Quòd ad terrena duntaxat procuranda, servanda, augenda, curas Romani, cætera tam sapientes, suas protenderent, parùm solliciti de veri Numinis vel noticia, vel cultu.

*V. Cur Romani antè, quàm Monarchas haberent, tam paucos habuère literatos?*

Quòd eis res plerumquæ cum armis esset: inter arma verò, ut leges, sic & artes filere soleant.

*VI. An Julius Caesar rectè primus Romanorum Monarcha nuncupatur?*

Licèt talis re ipsa is fuerit, titulò tamen Monarchæ à Scriptoribus universè non donatur, quòd eo regnante, Romanus Populus libertatis suæ umbram saltèm aliquam tueretur, quæ regente Imperium Augusto, & ipsa disparuit, ipsèq; à Senatu, Populoq; Romano Imperator proclamatus.



De Romanis Imperatoribus usque  
ad Constantinum Magnum.

CAPUT PRIMUM.

De Romanis Imperatoribus Sæculi  
primi post natum Orbi Serva-  
torem.

*I. Quis Romanorum primus Monarcharum fuit?*

1. Augustus.

Finito ad Actium prælio, Romani Impe-  
rii Monarcha primus salutatur à Senatu, Po-  
pulòque Romano Annò mundi quater mil-  
lesimò vigesimò quarto. Fuit Augusto ma-  
gnus ac liberalis in omnes animus. Quos præ  
cæteris Doctrinà commendavit, hos ille cæ-  
teris multò præhabuit. Quare Virgilius,  
cum hoc & Horatius eidem primo fuere in  
pretio. Ut adeò regnante Augusto, & Li-  
berales pariter artes residerent in folio.  
Communi ab omnibus ore *Patriæ Pater* a-  
diebat. Eam ab omnibus commendationem  
tulit, ut vox una omnium esset, Principem,  
qualem in Augusto suspicerent, vel nun-  
quam debuiffe huic mundo nasci, vel certè  
huic nunquam per mortem subduci. Prin-  
cìpis adeò Romanis dilecti, æstimationeque me-  
moriam, ut & in posteris perennaret, hujus  
nomine mensis Augustus, quem antè Sexti-  
lem nominârunt, donatus est.

*II. Qualis Augustus in Prædonem publicum fuit?*

Quod in Caracotta animi excelsi argumentum dedit, ante alia celebrari meretur à Posteris Multo Augustus ære Caracottæ prædonis caput licitatus erat, cum ecce! ipse prædo se Augusto sistit, prætium, quod pactus cum eo Cæsar fuerat, qui Carocottæ caput offerret, animolus exposcit. Aquiet scit petito Augustus, pretium rependit, & quod omni est pretio potius vitam condonat.

*III. Quò fræno Augustus iram coërcuit?*

Eò, quòd Athenodorus, Sapientum unus, eidem suggessit. Ubi ei animum affectione tentari perlensit, mox recitatis silentiò Græci Alphabeti literis spatium mansuetudini, quâ ubique, semperque inclaruit, dedit.

*IV. Quis modus, quisve terminus regiminis Augusti fuit?*

Ipsos quatuor supra quadraginta annos ad Clavum Imperii contedit, ut plurimum nullis tentatus vel seditiosorum turbis vel hostium armis. Solitus timore ac amore, beneficiisque suorum sibi animos subicere, & ut, abunde consilii ipsi suppeteret, aliorum tamen placita lubens admittit, si quòd majoris momenti negotium occurreret.

*V. Num vitis Augustus caruit?*

Caruit minime, & fædæ libidinis, & avaritiæ sordes virtutum aliarum splendorem obscurabant summopere. Et avaritiæ quidem documento illud esto, quòd Licinio Præfeto



cio evenit: coegerat, Licinius malis artibus è subditorum crumenis peculium, quòd, cum Augustus compertum haberet, imò coram spectaret ingentem auri vim, bono Principis, ut prætexebat, adeptam subditis, non modò pœnas ab homine non petiit, sed hujus quoque studia dilaudavit. Porro indignum Imperatoris animo illud erat: ubi intellecta suarum clade Legionum, quibus Varus præerat. in eum animi mœrorem adjectus fertur, ut menses aliquot antè abirent, quàm Augustus à pallore, dolorèquè rediret ad se. Quin & ajunt luctum hunc animi, allisis interdum muro cervicibus fuisse testatum, eas continuo voces ingeminando: *Quintili Vare, rede de Legiones, quas perdidisti.*

*VL. Quò annò Servator orbis est natus?*

Annum, quem sui regiminis trigessimum numeravit Augustus, Natales Servatoris in Bethleem illustrant. Annò mundi quater millesimò quinquagesimò tertiò, quò ipso tempore universum per urbem tumultus bellici alùm silebant. Ex eo die, quò Servator orbi est natus, solemni edicto cavit Augustus, nè ipsū quis deinceps vocare Dominū attentaret. Annos adhuc ubi vixit quatuordecim, Nolæ civitate Campaniæ cessit è vita.

## 2. Tiberius.

*I. Qualis Tiberio indoles erat?*

Multum tanè, imò ex integro diversa ab Augusto. Erat hic Augusti Privignus, nec

ab hujus moribus admodum aplulerat quando Imperii fasces, primùm accepit. Verùm haud diu sibi constare potuit simulata virtus, quando mox in aperta crudelitatis, libidinis, ebrietatis vitia prorupit. Simulandi, dissimulandique artem ita calluit, ut eum vel intimi non haberent perspectum. Cùm occultus animus dolor premeret, serenitatem vultu præferebat, cùm secundis afflueret, mærorem, animique turbationem simulabat. Quos odio prosequeretur, blanditiis, quos amaverat, terroribus opplebat. Unde nemo erat, qui non ab hoc Protheo suæ vitæ timeret. Verbulum, quod adversus ipsum incautiori exciderat: vultus minùs bene ad placendum compositus, querela, quam tortor, quos periculi de subditis faciendi causâ emiserat, referebant, tamen nullò niterentur verò, ad inferendam necem, erat abundè. Et hoc à turbine nè illi quidem, quibus maximè Cæsar assueverat, eximii fuere. Seianum certè, quem Imperatoris favor, ad summa evexerat, ejusdem furor, dum metueret minimè, depressit ad ima.

*II. Quo tempore servator in crucem est actus?*

Anno imperantis Tyberii decimò nonò crucis supplicium servator iustiniuit, cui etiam vivo Tiberius divinos honores decrevit, ubi de ista, quæ supra naturæ ordinem ille gesserat, à Pilato fuisse edoctus. Vivere tandem Tiberius desit annorum plenus, anno à suscepto regimine vigesimò tertio. Demor-  
tui



tui manibus communis omnium ordinum gratulatio parentavit. Annô Christi tricesimô septimo.

### 3. Caligula.

#### *I. Qualis erat Caligula. dum imperaret ?*

Avunculum Tiberium impietate superavit. Quam ille immentam auri copiam (centum omnino milliones erant) corraserat, brevi admodum tempore, dilapidavit, pòst in id unum intentus, quibûs jam studiis deficientem pecuniam instauraret. Has inter conquirendi æris industrias & illa fuit, quâ morti propinquos, sua ut sibi bona transcriberent, còégit: dum verò his sanitas prior rediret, iussit tyrannus morantem animam vi pelli corpore, quò certius citiûsque per eorum funera ad eorundem fortunas penetraret.

#### *II. Quæ speciatim insana Documenta edidit Caligula ?*

Voluit à suis cultu affici Divino. Aliorum simulacris Numinum capita abstulit, sua imagine in eorum lubrogatâ locum Sonipedem, cui *Incitato* nomen, quò utebatur, non convivam modò mentæ Imperatoriæ adhibuit, cibosque aurea è patina præbuit, sed & Romani Consulibus eidem honores decrevit. Conqueri auditus est, quòd, se regnante, Roma ab incendiis, fame, lue pestifera, terræ tremoribus vacaret.

Es

3. Quos

III. *Quousque suam ille sævitiam propevit?*

Satis ei non erat, morte affici mortales: ut tormentis, modūve, quàm fieri posset, exquisitissimis perirent, laboravit, sæpius in has voces adhortatus tortores: ità cædite, ità mactate ut morituri se mori sentiant, mortis amaritudinem veluti per guttas degustando.

Denique in lucem protracti sunt publicam gemini crudelitatis libelli, quorum alteri *Glaadius*, alteri *Pugio* nomen: horum nempe utriusque eorum inerant nomina, quos violentæ neci destinasset, quæ res indigna adeò, ac invisa suis accidit, ut ii ipsi, qui custodire Imperatoris corpus debuerant, illud triginta vulnerebus, applaudente Roma, confecerint. Anno nati Redemptoris quadragesimò primò.

4. *Claudius.*I. *Quanam ratione Claudio Imperatoris Romani Dignitas obtigit?*

Romanus Exercitus Imperatorem Claudium pronuntiavit, non opinantem duntaxat id minimè, sed, quòd mortem metueret, jam fugæ accinctum, quando Consules, Monarchici regiminis saturi, Cæsaream stirpem (cuius & Claudius surculus esset) tollere universam cogitabant. Non ità cum Consulibus milites tensere, ut quibus certum erat novum Cæsarem dicere, & hunc, Claudium quidè: quò enim timidus ille magis, hoc & imperio aptior jam videbatur; nec enim à tali indole expectanda lævitiam censebant esse, quā olim in Tiberio



Tiberio, nuper in Caligula fuissent experti, cui militū sententiæ & à Senatu fuit acquiescendū.

*II. Quenam Claudio indoles erat?*

Ingenium erat Claudio infirmum sanè, ut, quod & servorum, quin & foeminarum consiliis facile obtemperabat, quæ non nisi effera, crudeliq; suggererant: quibus & fastū, ut Consulū civiūmq; haud pauci gladiō caderent, quorum cædem dissimulans Claudius etiam cur abessent, requirebat. Messalinam foeminam pessimam, quam sibi thoro junxerat, manu violenta extinxit, percontatus subin, dum ad cænā illa non compareret, ubi locorum moraretur? Messalinæ Agripinam suffecit, cui ut par conjugii dignitas, ita & par impietas erat. Hæc maritum veneno perdidit, ut Neronem filium scepro admoveret; eum enim cæcus uxoris amoribus maritus Hæredem nominarāt. Occubuit Claudius annō salvati orbis quinquagesimō quarto.

5. Nero.

*I. Quæ imperandi ratio fuit Neroni?*

Omni dignum laude primum fluxit quinquennium, quo Magistrum Senecam audiit, ejusque ductum fuit secutus. Huic ut auscultare desinit, crudelitatis portentum evalit; nam & præceptorem Senecam, & Agrippinam Matrem, & uxores geminas, cum his germanum fratrem, Viros denique à moribus ac genere laudatissimos dedit neci.

*II. Unde*

## II. Unde prima in Christi Cultores persecutio?

Primas persecutioni Christianorum flammæ Nero attulit; cum enim hic Romanam civitatem ignibus subiecisset, indeque cives seditionem spectarent, authores turbarum Christianos proclamavit, in quorum pro invitam omni tormentorum genere sævitum est. Horum non paucos ferarum animantium pelibus insutos, canibus pabulum fecit, alios pice, resinaque oblitos, nocturnis spectaculis ceu faces adhibuit. Geminas rei Christianæ Columnas Petrum ac Paulum, hunc quidem ferrô, illum crucis ligno prostravit.

## III. Quanta prodigètia Neronis erat?

Præterea silens turpissimas libidines, quibus vel brutis inferiorem se fecit. Vestes indies singulos ita mutavit, ut toto anni tempore nunquam eadem recurrerent. Retia venantis ex aureo erant filo. Mulos, soleis pariter aureis, voluit muniri. Vim æris ingentem in profligatissimæ vitæ homunciones effudit. Palatium, quod tua ex mole civitatem diceres, erexit, illudque, quod aurum copiosum incrustatum esset, aureum dixere. Alio profecturum Imperatorem currus millenis pauciores nunquam sunt comitati.

## IV. Quis tandem huic hominum portento fuit exitus?

Omnibus ob flagitia exosus cum esset, quæ sitis ad necem, suo maluit, quam alieno mucrone cadere, quem proin sibi per viscera adegit. Anno Domini sexagesimo octavo.



## 6. Galba. 7. Otho. 8. Vitellius:

### *I. Quid Galbæ accidit?*

Nerone etiamnum superstitie, ab exercitu Galba Imperatoris dignitate ornatur. At, ubi severitate nimia fuisset usus in suos, ab his ipsis, mense ab inauguratione septimo, confoditur.

### *II. Quid Othoni evenit?*

Otho, qui Galbæ successerat, quatuor intra menses sui regiminis attigit metam. Hic ab exercitu Italico evectus ad thronum est, quò ipso tempore Vitellius à milite, qui in Germania bellabat, Imperator promulgatur. Devicit hic prælio ad Cræmonam Othonem, qui probri impatiens sua ipse manu se peremit.

### *III. Quid de Vitellio memoratur?*

Vitellius hominís ventri per omnia devoti prodigium, mense sui imperií octavo, Romanam per civitatem raptatús strangulatur, subin Tyberinis fluctibus datur in prædam.

## 9. Vespasianus.

### *I. Quonam Vespasianus gradu Imperií verticem attigit?*

Tenuium parentum filius, ad thronum promotus est, à Romano milite, quòd arte bellica excelleret, quæ tanta in eo erat, ut hunc ante alios Nero parem judicaret, qui natus in Judæa turbas compelleret. Rebus

compositis, ubi Titum filium copius sui loco præfecisset, in Italiam ipse revertitur.

II. *Quodnam regimen Vespasiani fuit?*

Quod vel exoptare Romani poterant, gratus erat omnibus; nam & in omnes usque eò benevolus, ut gravi detentus morbo, sui tamen adeundi copiam nulli eorum negaret, qui indigerent. Una avarities tot inter virtutes vitium fuit; nam ipsas ob cloacas, certum sibi ab urbe vectigal voluit pendi. Mortem ubi vicinam sensit, corpore erectus in has propè voces animam emisit: *Cæsarem oportet stantem mori.* Excessit annò imperii sui Decimò, servati orbis septuagesimò nonò.

IO. Titus.

*Quis, qualisve Titus erat?*

Vespasiani Parentis optimi, melior filius, orbis univèrsi Delicium, omnium ore celebratus. Ad bene merendum de alijs adèò pronus, ut diem illam, quâ in neminem favoris aliquid contulisset, pro nulla haberet. Unde & dignâ imperatoriò fastigiò sententiâ protulit quando Principes eum in finem orbi natos asseruit, suis ut prodesse. Erant, qui nimiam ejus munificentiam sugillarent, quibus illud unum ille reposuit, oportere, ut Princeps suorum neminem molestum dimittat. Biennium exegit Princeps acceptissimus, cum allato, ut aliquorum fert sententia, per fratrem Domitianum veneno vivere desit luctu Romano-  
rum



rum tanto, qui sublato orbis universi Delicio debebatur. Cum numeraret orbis à Servatore nato annum octogesimum primum.

## II. Domitianus.

*I Unde altera in Christum persecutio nata?*

A Vespasiani de genere filio, fratreque Titi, pro! quā absimili! Domitiano. Ultimis hic cruciatibus complura Christianorum millia enecuit.

*II. Quodnam Domitianus convivium apparavit?*

Cum satur esset humani sanguinis, cœnam instruxit à, ritu sanè barbaro & urbi, & orbi non famolam duntaxat, sed execrabilem, cui tamen ille Nobilium florem voluit interesse. Quæcunque seu sub oculos, seu sub aures venerant, luctum, dolorem, præsentemque mortis imaginem præferebant. Aulam, quæ convivas excepit, pullati tapetes instraverant. Sedilia visebantur è ligno, columnis seu totidem tumulis, quorum & formam referebant, non tam nixa, quam super easdem reclinata. Collucebat ex harum singulis pendulus tristi è lampade feralis lichnus, tremulaque luce suum cuiusvis assidentium nomen tabellæ inscriptum exhibuit. Simul datum est initium epulis, simul atratorum turba Epheborum ingreditur, omni eo ritu perfuncta, quem mortuorum funeribus adhibere solebant. Quò verò tristior, certiorque mortis prostaret facies, Domitianus ipse sermone ad extremum luctum.

luctum (moriendi necessitas argumentum erat) composito, hospites allocutus, nullum non eorum in horrores supremos affuturæ propediem horæ ultimæ conjicit. Tandem ità saginatos terroribus, domum quemque suam, curribus exceptos regiis, dimittit. Ità dimissos novò metu singulos conficit, dum in singulorum foribus Palatinum statuit, at, non, qui mortem, quam omnes, sed pretiosa munera, quæ nullus, expectaverat, sui Principis nomine elargiretur. Ut adeò structa scena ex læto saltèm fine cessaret esse tragædia.

III. *Quanam fastis stultissimi idem Domitianus argumenta dedit?*

Non Domini modò, verùm & DEI, vocabulo voluit honorari, dum interea mimicus ille DEus, domi conclusus, venandis ibi muscis horas ac dies non paucas tereret.

IV. *Qualis morienti Domitiano exitus fuit?*

Trysti syllabo, qui eorum tenebat nomina, quos atrò notatos calculo certæ lanienæ Cæsar destinârat, & Domitiæ Imperatricis nomen inerat, quòd illa, cùm non sinè horrore intimo spectâsset, in mariti perfidi caput cum suis conspirat, necatq; serpentem veneno, nè veneno hujus icta ipsa prior concideret. Annò Nati Domini nonagesimò sextò, imperantis Domitiani decimò quintò.



## 12. Nerva.

### I. *Quinam huic mores?*

Non ex Italia, ut ii, qui præcesserant, sed ex Creta insula oriundus, munificentia, Clementiaque laudibus ubivis innotuit, longè alius ab Antecessoribus, Abolitis, quæ Domitianus pessimè sanxerat, Decretis, de communi Bono insigniter meritis, & Christianos quoque sibi devinxit, ut in quos ullis posthac seu vexationibus, seu suppliciis animadverti cavit severè. Dignus, qui vitam longiùs produceret, emensus biennium sui imperii, prævalentibus annis excessit, è vita. Annò Domini nonagesimò octavò.

## CAPUT SECUNDUM.

### De Imperatoribus Romanis secundi sæculi.

## 13. Trajanus.

### I. *Quanam Trajano regendi ratio fuit?*

Trajanus, Natione Hispanus, ea commendatione Romano præfuit Imperio, ut *Principis optimi* appellatione ab omnibus exornaretur. Ut ut clementiâ excelleret, Christo tamen inauguratos, ceu inimicos Numinum, mille suppliciis excruciebat. Ubi autem à Plinio juniore, Præfecto quopiam suo, de horum integritate edoctus, sævire in illos paulò mitiùs cæpit.

*II. Quæ ante alias in eo prærogativa emînuit?*

Tum quòd ab ira nunquam se triumphari passus sit: tum quòd in bello contra Dacos gesto, suâmet purpurâ militum fauciorum vulnera ligârit, dicere auditus non rarò, eum se futurum suis qualem, si ipse subditus foret, suum erga se Principem vellet. Cæterum ebrietatis ac libidinis vitia, quanquam Trajano dominarentur, tamen, vel à subditis observata non sunt, vel certè ab his dissimulata, quòd rei summam administraret ex omnium voto. Obiit post decimum nonum annum regiminis annò Christi 117.

## 14. Hadrianus.

*I. Quenam de hoc celebrant Scriptores?*

Hadrianus & ipse Hispanus, quem Trajanus sibi filium adoptaverat, eruditionis laude inprimis, tum pacis studiò, itèm comitate morum, omnium in se animos, amoreque convertit. Cum fortè urbis compita obambulare, vetula ausa est ab eò alloquium petere, quod dum hic, negotia causatus, negâset, mox illa ad Principem: Renuntiaret igitur imperio, quando ei aures ad miserorum querelas non paterent.

Intempestivum monitum animo Cæsar accepit non æquo duntaxat, sed optimo, quare & sinè mora sui alloquendi copiam afflictæ indulxit.

*II. Quæ*




II. *Quam in regendo tenuit methodum?*

Subjectas sibi Provincias ut plurimum pedes peragravit, ordinavitque, suæ ubivis prudentiæ statuens monumenta. Hebræos, qui rursus ausi fuerant superbas cervices leditiosi erigere, omni enervavit robore, nec paulò mitior Christianis aliquanto tempore fuit, cum quibus tamen haud multò post, perlectis, quos in eorum defensionem Quadratus (Apostolorum discipulus fuerat) porrexerat, libellis, in gratiam rediit. Annos viginti ac unum sedit ad clavum, indè per mortem advocatus annò Domini centesimò trigessimò octavò.

## 15. Antonius Pius.

*Qualisnam huic suos regendi modus?*

Ab Hadriano adscitus in filium, hujus & inhærere vestigiis egregiè institit. Pacis cultor eximius, Barbaris quoque in pretio fuit. Mole celeberrima, quæ ab Hadriano nuncupatur, antecessoris sui tumulum exornavit. Lege sanxit, nè ulli posthac fas esset, quemvis in jus vocare eo duntaxat nomine, quòd Christi Dogma sequeretur. Post imperium annos tres supra viginti administratum, à curis requievit annò Servatoris centesimò sexagesimò primò.



## 16. Antoninus Philotophus, & Lucius Verus.

### I. *Quidnam de his refertur?*

Eadem in imperium potestas utrique erat, indoles eadem non itēm. Cū Antoninus à Virtutibus, Verus frater à vitiis duntaxat celabraretur, quæ hunc brevè admodum (gulæ præsertim intemperantia) tumulo intulêre. Antoninus, quod Philosophiam alias ante liberales Disciplinas adamaret, Philotophi adeptus est appellationem. Certè ex scientiæ illius Placitis illud obtinuit, ut in prosperis juxta & adversis sibi semper idem constaret. Indè nata illi familiaris sententia felicem omnino, beatumque populum existere, cui vel præessent Philosophi, vel, qui præessent, colerent Philosophiam.

### II. *Quale prodigium cælitus contigit inspectante Antonino?*

Ea tempestate, quâ Antoninus cum Quadis, ac Marcomannis (hodie Moravos, Bohemosque nominamus) bello decertabat, res evenit prodigiosa in paucis, quam fuisset oculis usurpabat Imperator; cū enim hic ab inimico exercitu Wandalorum præcipuè, Polonorum, Suevorumque operâ undique circumventus, proximus exitio esset, sicuti nimirum extinguendus cum suis, Legionum una Romanarum, quæ se Christo jam antè devoverat, fusis ad eundem precibus; undas excepit. Et en! petitiæ continuò pluvie cadunt



dunt, totaque Romanorum castra imber ille recreat; àère, cui hostium agmina suberant, fulgetris, tonitruumque fragoribus tam horrendum crepante, ut in metum primo, mox in fugam hostem conjiceret. Imperator, quæ coram ipsis spectasset, simul Romanis Senatoribus perferibit, simul, nè triste quidpiam Christiano Nomini posthac eveniat, prohibet severe.

*III. Unde quarta in Christianos orta est persecutio?*

Quanquam multò aliter Imperator statuerat, Provinciarum tamen Præfecti barbarè admodum Christianos habuere; unde horum odio quartæ persecutionis erupit tempestas, cui nova accetere augmenta ab Imperatore Commodo, qui Antonino successit. Obiit Antoninus annò Christiano centesimo octogesimo. Administrati ab ipso Imperii, decimò nonò.

## 17. Commodus.

*I. Qua potissimum ex re hic orbi innotuit?*

Ex morum turpitudine, ac crudelitate. Quòd furor Gentilium in Christianos quartum desæviret, Author ille fuit. Romanos. Senatores, viros itèmi primi sanguinis secum ut in arenam descenderent, còegit, quibus, cum arma è plumbo, sibi è ferro ad vulnerandum apprimè facta dari vellet, plagis singu-

lis, ungula funera respondebant cælorum; quibus ille ridendo insultabat.

*II. Qualem triumphum idem de cohorte mendiculorum retulit?*

Crudelem omnino. Còegerat unum in circum universam cæcorum, claudorum, varîisque corporum miserîs laborantium, quos tum Roma habebat, turmam. Quemvis horum, ubi spongiâ instrui iussisset, quâ quivis se defenderet, ipse aream ingressus clavam vibrans prægrandem, postquam in inermem turbam multis etiam vulneribûs, multisque trucidatis depugnâisset, velut re præclarè gesta celebravit triumphum. Neque hîc stetit insania. Divinis appellari nominibus, habitûque Herculis indutus, coli ut DEas voluit. Impatiens coronatæ hujus belluæ populus eandem jugulavit annô decimô tertio occupati per illum solii, nè verò vel memoria monstri superesset, Nomen hujus erasit, statuasque confregit. Annô Christi centesimô nonagesimô secundo.

18. Helvius Pertinax.

19. Didius Julianus.

*I. Quid de his occurrit?*

Helvius, quòd invitus thronum conscendisset, Pertinax nuncupatus, post trimestre imperium, idque non integrum, à militibus, quorum licentiam compescere conobatur

con-



confoditur. Didius Julianus, qui coronam pretio conduxerat, visus eâdem indignus, postquam hanc decem hebdomadas gestasset, violenta subditorum manu periit. Scilicet, pudebat Romam, talem sibi præesse, qui non merito. sed auro illuc evasisset, ut dominari posset.

## CAPUT TERTIUM.

De Imperatoribus, qui tertio sæculo Romanos regebant.

### 20. Septimius Severus.

*I. Quanam ratione hic ad sceptrum fuit promotus?*

Gente Afer à Militibus Imperator nominatur. Ea dignitate ut certior, securiorquæ fruatur, Pescennium ac Albinum ( qui & ipsi ab alijs eo tempore, locorum alibi fuerant Cæsares proclamati ) dedit neci.

*II. Unde quinta invaluit persecutio in Christianos?*

Idem Septimius persecutionem hanc excitavit, idem & promovit. Ob dolores podagræ, cum Regni curis minùs jam idoneus haberetur, militum calculis filio habentæ Patris destinantur: quò Severus comperto, sellâ gestatoriâ in Curiam delatus, iussisque, qui pro filio sensissent, coràm adesse, dum hi rerum hac facie conterriti, purgare factum pararent, præcipitem eorundem sententiam eo dicto castigavit, an ignorarent, populos capite, non pedibus regi? Moriens in has vo-

ces desint: *Omnia fui, & nihil mihi prodest!* annô Christi ducentessimô, undecimô.

## 21. Caracalla & Geta Fratres.

### *I. De Caracallæ regiminis initio.*

Caracalla ut solus imperaret, Getam fratrem, dum hic ad Matris gremium, ceu asylum confugisset, fors trucidavit, ut verò eadem hanc Beneficiô compensaret, fratrem Getam in syllabum Deorum retulit. Papinianus Juris peritus, quòd scelus hoc improbareret, morte luit, quâ & omnes, qui à fratris partibus steterê (viginti omnino millia) interiêre.

### *II. Quenam crudelitatis specimina Alexandria edidit?*

Civium plurimos nece sustulit cruenta, quòd ab eis fuisset risu exceptus, cui tamen ipsemet materiem dedit: voluit nimirum per omnia magno par Alexandro haberi, cû hoc uno similis Alexandro esset, quòd ut ille, sic & ipse capite ad lævam magis proclivi incidere soleret. Postquam sexennio nemini non gravès solium occupâisset, Macrinî manu cæsus, purpuram alteri reliquit. Annô Domini ducentissimô decimô septimô.

## 22. Macrinus.

### *Quis Macrinus fuit?*

Et plebe ortus, solâ militari peritiâ ante alios insignis à Romano Milite præficitur imperio, cui, cû biennio, eoque non integro præfuisset, violenta manu & vita & solio dejicitur.

## 23. Helio.



## 23. Heliogabalus.

*Quinam Heliogabalo mores fuêre?*

Heliogabalus à cultu muliebri dictus & Sardanapalus, annô ætatis quintô decimô regni Romani gubernaculis est admotus. Hic, ut à natura animo satîs capaci esset instructus, mente tamen motus vel credi voluit, vel certè potuit; adeò enim ab omni ratione diversa imperabat. Jam patinam cristis Gallorum plenam, jam pavonum cerebro, jam ovis perdicum, mensis iussit inferri. Dum fortè civitates mari aditas incoletet, ferinâ, dum iis in regionibus versaretur, quæ à mari essent magis remotæ, piscium omni genere voluit satiari. Mensæ adhibuit modò non nisi Strabones, subinstrumotos, aliàs Calvastros, Nalones, quos hospites cibis vel è ligno vel cera formatis pessimè saturos domum remisit. Si quos primi ordinis Convivas vocâssêt, iis sedilia ( utrium instar ) àère turgida subjecit, quæ rarefcente aura subsidentia, eos, qui inlederant, cum ludibrio in terram deponerent. Infantiæ porrò suæ ultimum specimen daturus, quotquot aranearum telas in urbe fuerat reperire, in unum iussit cumulum congeri, quæ suo pondere dena librarum millia confecere, docturus nimirum eo facinore, quæ amplitudo Romanæ civitatis esset. Necdum finierat quartus regiminis annus, & dum fors naturæ necessitati indulget, exturbatur à statione spiritus. Corpus, pro ludibrio per

urbis compita vectum Liberi ipolium datur.  
Annô Christi ducentesimo vicesimo secundo.

## 24. Alexander Severus.

### I. *Quas hic sibi laudes comparavit?*

Alexander, cum annum ageret ætatis decimum ac sextum, imperium adiit, communicum Augusto, Traianoque Principis *optimi* donatus appellatione. Huic ut in pretio, sic & amoribus erant, qui literis eminebant, horum præsentiam unice affici solitus. Iis; qui vel assentatoriam, vel histrioniam profitebantur, procul amandatis. Ulpianus, quò Præceptore utebatur, loco ei erat præcipuo: hujus, quemadmodum & aliorum prudentium, quos inter sua & in Regia Christianos plures numerabat, consilia exquirebat sæpius, iisdemque & promptus acquiescebat. Illud singulare, quòd Ulpianum, quem antè diximus, dum huic inimici necem pararent, propriæ objectu purpuræ protexerit.

### II. *Quodnam axioma illi solemne fuit?*

Quod tibi non vis fieri, alteri ne feceris. Regulam hanc à Christianis acceptam & in Atila & compitis loco voluit publico proflare. Tandem, quòd in milites videretur asperior (unde & Severum nominabant) eorundem furoribus atque mucronibus cecidit victima. Annô imperii sui decimo tertio, Christi ducentesimo trigesimo quinto.

25. Ma-



## 25. Maximinus Thrax.

*I. Qua Maximinus re potissimum claruit?*

Opilionis hic filius eminentiâ corporis, roborêque ita præstabat, ut si cum eo vel duodeni in certamen venirent, unus ille subigendis omnibus sufficeret. Quadraginta bubulæ carnis libras una refectione solitus absumere. Primus ille fuit, qui in cædem Severi juravit, cui successit in solio, haud annuente quidem Senatu, sed volente milite.

*II. Quæ erat sexta in Christianos commota persecutio?*

Maximinus Imperator, cum omnes, quotquot ei minùs grati acciderant, è medio tolleret, in eos præcipuè crudelitatis arma expedit, quos compererat, cum Christo lentire: ante tamen alios ultimis cruciatibus eos affecit, qui legum Divinarum vel Doctores existerent, vel Sacerdotii dignitate fulgerent. Certus, extinctis hisce facibus, suas lapsuram in tenebras rem Christianam universam.

*III. Qualis exitus morienti fuit?*

Crudelitas Maximinum suis adeò execrandum fecit, ut, ceu Patriæ lues pelleretur solio, eidemque sufficeretur Gordianus, qui cum ætate nimium provec̃ta sustinendis Regni negotiis parùm aptos afferret humeros, Gordianum filium in officii societatem vocavit: Verùm haud multò post utrumque mors cruenta subduxit imperio, quod, ne diu omni prorsus sustentaculo careret, Senatus

tus Romanus Pupienum, cum hoc & Balbinum substituit. Displicuit electio militi Romano, quod facta ab Senatu esset, quare utrumque, quem ille recens statuerat, orbe eiecit. Quô interea fatô & Maximinus in castris ad Aquilejam unâ cum filio interlit. Postquam is bienniô nec dum exactô non tam imperiis, quàm cædibûs Romam funestâssset. Anno redempti orbis ducentessimô trigessimô septimô.

## 26. Gordianus tertius.

*Quid in hoc laude dignum?*

Hunc quoque Romanus Exercitus Cæsarem dixit. Quàm ætate tenuis, tam natus videbatur imperio Gordianus, id, quod ab edito mox regimine palàm fuit. Misitheo Socero, viro insigniter prudenti, Præfecturam urbis detulit, ingenti omnino publicæ rei bono. Verum non diu tenuit ea Romæ malacia, quando Gordianus, cum à regni sui auspiciis annum quintum posuisset, Philippi Arabis (eodem ille fasces ambierat) scelere fuit peremptus, quem non multô antè Misitheus præcessit ad tumulum parî fatô sublatuS è vivis. Annô post natum Deum-Hominem ducentessimô quadragessimô quartô.

## 27. Philippus cum Philippo Filio.

*Quenam utrique huic conditio?*

Philippus Arabs ultimæ homo fortunæ, qui Gordianum per vim expulerat solio, eodem & ipse, evolutô necdum quinquenniô,  
per



per vim deturbatus est à milite Romano, cuius studia Decius nescio, quam arte occuparat. Philippum filium, quem throni socium Parens elegerat, habuit & socium faci. Placet nonnullis, Philippum Christianis prius sacris fuisse initiatum, cui sententiæ pauci accedunt, quòd illius amores Christiano Dogmati parùm responderent. Cæditur annò Christi ducentesimo quadragesimo nonò.

### 28. Decius.

*Quis Author septimæ persecutionis adversum Christianos?*

Triennium non excessit Decii regimen, eos tamen intrà limites Christi sectatores undique conquisitos, igni ferroque persecutus est. Bellum, quod in Scythas susceperat, ei fatale fuit; nam à Treboniano Gallo, Ducum suorum uno hosti proditus, dum fugam parat, ità limosæ paludi infigitur, ut demortui cadaver nulli amplius omni etiam labore adhibito, pateret. Annò Domini ducentesimo quinquagesimo primò.

### 29. Gallus & Volusianus.

*Quid Gallum Romæ invisum, aliis infamem fecit?*

Perfidus hic Decii proditor ut Christiano, sic & Romano Nomini summè noxius fuit; in eas enim cum Scythis pacis conditiones descendit, quæ Romanæ Majestati, omnes apud Gentes summæ, maculam aspergerent multo turpissimam, cum certum in annos singulos tributum dare sponderet.

Qua

Qua ex re indignus habitus, qui vitam aut regimen porro extenderet, unâ cum Volusiano filio regni socio, utroque privatus est. Annô Christiano, ducentesimo, quinquagesimô quarto.

### 30. Æmilianus.

*Qua ex causa hujus regimen breve adeo fuit?*

Hic ubi eos, qui Imperantem præcesserant, suis ceu consiliis ceu artibus indè expulisset, folium tandem assecutus est. At trimestre non abiit, & abire jussus est ipse interfectus à suis, quòd, cùm exiguis nimis Natalibus esset, indignus tantô fastigiô haberetur.

### 31 Valerianus ac Gallienus.

*I. Unde orta est octava in Christianos persecutio?*

Valerianus Gentem Christianam quantis potuit, persequi furiis, viribusque contendit. At non impunè. Nec enim multò post à Sapore, Persarum Rege, prælio devictus, datusque in vincula, toto, quò superfuit, vitæ spatio, miserabile spectaculum fuit, dum Sapor, equum inscensuro, pro scabello serviit, eumque in finem ferreæ inclusus caveæ Regem comitari jussus. Tandem detracta pelle, inspersusque sale excessit orbe.

### Gallienus.

*II. Quid de hoc Monstro memorant?*

Quòd scelerato Patre sceleratior esset Filius, eo demonstravit, quando Parentem vinculis eximere cum posset, ad aliorum quoque preces



preces luctus tenuit. Voluptates fœdissimas cum Regni curis præhaberet, in deterius abi-  
ere omnia. Prorupere diversis è Provinciis  
Tyranni triginta, qui Romani Imperii habebant  
inhiabant. Ipsa eadem tempestate hostes  
barbari Romanas terras tentatis assultibus variis  
invaderant. Dedit vexatio tandem intellectum;  
nam & Gallienus tandem arma paravit,  
quibus vim illatam Romanis finibus repelleret.  
Sed expulsus ipse regno & mundo à  
conjuratorum manu prope Mediolanum  
properavit ad plures. Imperio per annos  
quindecim pessimè administrato. Annò  
Nativitatis Dominicæ ducentesimo sexagesimo  
octavo.

### 32. Flavius Claudius.

*Quid de hoc laude dignum memoriæ proditur?*

Militaris scientiæ laudibus insignis, diu e-  
xulem Romano ab Imperio Pacem suâ ille  
prudentiâ restituit. Cujus egregium tunc  
argumentum dedit, quando Senatui, num  
Tyrannos antè, num verò Barbaros oppri-  
mi oporteret, interroganti, hanc in sententi-  
am respondit: oportere omnino Barbaros an-  
tè armis subigere, cum hi universæ Patriæ;  
Tyranni verò unius Cæsaris hostes existe-  
rent. Cæterum eo in bello trecenta Go-  
thorum millia cecidere, navigia eorum bis  
mille hausta fluctibus sunt, universa denique  
Patria à Tyrannis purgata. Biennium Clau-  
dius imperio præfuit, lue subin afflatus pe-  
stifera

stifera occubuit. Annô Domini ducentessimô septuagesimô.

### 33. Aurelianus.

*Quis ortus persecutioni nonæ fuit?*

Quàm egregius stetit pro tuenda Patria, tam crudelis fuit pro extirpanda re Christiana Aurelianus. Post captam Reginam Zenobiam, quæ potentiâ hucusque in Oriente prævaluit, post Terricum, qui Galliæ sceptro imminuit, domitum, triumphum adornavit, qualem Roma antè nullum spectârat. Quinto imperii sui annô confossus excedit. Annô Dei-Hominis ducentessimô septuagesimô stô. Septem fluxêre menses, & tuo Imperium Moderatore supremo caruit, nec Senatu, nec Exercitu alium pronuntiare auso. Tandem Senatores Tacitum elegêre, Virum Musis, & Paci plûs addictum, quàm armis. Tenuit hic imperii summos fasces semestris spatio, quos Florianus demortui Imperatoris frater cum sibi percuperet, oppressus & ipse occubuit. Annô Nati Domini ducentessimô septuagesimô sextô.

### 34. Probus.

*Quodnam huic Encomium ferunt scriptores?*

Bello ut aliis celebrem, ita Teutonum, Genti formidandum se fecit. Hos enim, dum in Galliis turbas moverant, fastum & arma ponere armatus ipse coëgit, dum quadringenta eorum millia ferro profligavit. Novenis Regibus, Regulisque non nisi fle-



xo poplite supplicibus concessit pacem. Tot victoriis clarus, magnifico apparatu Romam ingreditur, cujus celebritas quò esset solem-  
nior, ingentem vim arborum cum harum ra-  
dicibus Romam transferri, publicâque in area  
jussit plantari, quò haberet Romanus Popu-  
lus, ut vel intra mœnia animo simul, ac vena-  
tui indulgeret. Quem in finem Struthiones  
mille, mille item cervos, aprósquè; luce poste-  
ra Leopardos centum, Leones ducentos, ur-  
fos centenos munificentia verè Imperatoriâ  
absumendos reliquit. Sexto imperii sui annò  
occiditur à seditioso milite, quòd eum & pa-  
cis tempore ducendis aggerum fossarumquè  
laboribus, plùs quàm æquum fuerat, fatigaret.  
Annò Domini ducentesimo octogesimo 2dò.

### 35. Carus Parens, Numerianus ac Carinus Filii.

#### *I. Cur tam breve his tribus regimen fuit?*

Carus post provincias nonnullas, quæ Ro-  
manis ademptæ fuerant, denuò recuperatas  
primò regiminis annò decedit. Numerianus  
Cari Filius, Vir apprimè bonus, haud multò  
post, funus Paternò funeri adiicitur ab Apro,  
qui & ipse post Diocletiani manù cæsus oc-  
cubuit. Carinus Cari Filius minor natus, ho-  
mo voluptarius, cùm anno altero Occidentì  
imperat, suis à belli Ducibus trucidatur. An-  
nò Christi ducentesimo octogesimo quarto.

## 36. Diocletianus, ac Maximianus.

*I. Cur primus horum infamis aded?*

Diocletiano Romani militis favor coronam imperii imposuit, quàm ille sortem minimè capiens, quò minor Natalibus, hoc fastu major, eò est prolapsus amentia, ut calceos quidem suos gemmīs pretiosissimīs exornari; se verò ipsum, honoribūs divinis jusserit coli.

*II. Qualis persecutio contra Christianos decima erat?*

Legerat Diocletianus Maximianum in Confortem regnī simul ac furoris socium, quò, si ullus alius, majori in Ovile Christi uterquē grassatus est. Sola Aegypti terra centies mille, iterumquē quadragies quater mille numerat eorum, qui sanguinem pro fide dedere, illorum verò, qui eandem causam luere exiliò, septies centena millia.

*III. Cur duo insuper Imperatores electi?*

Cùm Romanum imperium hostes impeterent undiquē, necesse habuit Diocletianus & Maximianus, ut regni tutelam in plures dividerent. Erat horum alter Constantius Chlorus, alter erat Galerius.

*4. Quā ratione vitam transegit Diocletianus post imperium ultrò abdicatum?*

Post imperium viginti per annos curatum, placuit Imperatori utriquē positò gubernaculò sibi soli vivere. Diocletianus proin Salonæ in Dalmatia, solo nimirum patrio, vitam egit privatam, ubi in hortorum cultura (stupente



penite Imperio) egit novennium; Ubi dein Magnus Constantinus imperare Romanis cæpit, Diocletianus, quod conjurationis infimulatus, malè suis cervicibus metueret, fata, quæ metuit, adactò suamet in viscera ferrò, occupavit. Cæterùm, Maximianum, actò privatos inter parietes sexenniò, sceptrum posuisse pœnituit, maluissetquè sibi regnum rursus asserere. At, jugulavit in semine hoc Maximiani propositum Constantinus, quando hunc ceu seditiosum, jussit tolli è vivis.

### 37. Constantius Chlorus ac Galerius.

#### *I. Quid de his constat?*

Et Diocletiani Gener erat uterque, & uterque ejusdem Consors imperii, postquam Diocletianus cum Maximiano ejus curas ultrà posuerant.

#### *II. Cur repudiatur S. Helena?*

Constantius, Constantini Magni Parens, repudiata Helena Conjuge, Theodoram Maximiani Privignam in thorum adscivit, eò duntaxat consiliò, ut hoc ex hymenæo firmitus sibi solium staret.

#### *III. Quid laude dignum in Constantio?*

Licet ipse deos coleret Gentilium, animò tamen erat à Christianis minimè alienò, quin & in illos pronò. Urbs Constantia ad Lacum sita Acronianum, & Alemannis identidem irruentibus, objecta; Constantio huic

tanquam Conditori se debet. Obiit Constantius anno Christi ter centesimo sexto.

*IV. Quid in Galerio vituperatur?*

Quòd sua ille odia, furoresque in Christianam Gentem exereret. Adscivit hic sibi, ut regni; sic & ferociæ socios Licinium & Maximinum. Ipse à vermibus vivus depascitur. Maximinum, superatum à Licinio morbus pariter fœdissimus aufert. Licinius à Constantino debellatus regnò exuitur. Cæpit Constantinus Magnus habenas imperii primò moderari annò Nascentis Domini tercentesimo sexto.

**Observanda circa historiam Imperatorum tribûs primis sæculis.**

*I. Quisnam status Romano erat Imperio sub Imperatoribus?*

Primo Sæculo Imperatores ut plurimum pessimi obtigere. Alter, magna parte probi, à quibus & Regno summa æstimatio fuit. Tertiò sæculò jam probi, jam improbi velut vices mutarunt. Unde difficilia prorsus ac funesta pertulit Imperium.

*II. Quinam Romanæ Reipublicæ magis proderant, num Consules? num Cæsares?*

Procul omni dubio Cæsares profuissent magis, si probi extitissent singuli.

*III. Quæ causa mutati in Monarchiam regiminis?*

Bella civilia, simultatesquæ cruentæ Monarchicum



chicum regimen ceu summè necessarium rebus afflictissimis remedium postulabant, secùs peritura fuerat universa Respublica.

*IV. Unde mores tam profligati tot fuère Cæsaribus?*

Rerum abundantia, prædominans libido fontes fuère tot scelerum. Tum, quòd religione, veriquè cultu Numinis lidem destituerentur.

*V. Cur Imperatorum nullus veris accessit sacris, visis tot prodigiis, vel certè irrefragabili aliorum testimoniò perceptis?*

Indignos fecerunt sese favore Legis Evangelicæ, scelera cumulantes sceleribus, vitam agentes brutis simillimam.

*VI. Quare Christiána Religio ab Imperatoribus tam fuit atrociter impugnata?*

Quia vivendi ratio, qua Christiani utebantur, à solutissimis Imperatorum moribus totò erat Cælo diversa.

*VII. Quonam consilio Deus nascentem Ecclesiam tempestatibus tam horridis permisit subjici?*

1. Ut doceret, suæ structuram Ecclesiæ, non humanæ opus esse dexteræ, sed Divinæ, certè aliàs tot inter, tantasquè persecuciones perituram. 2. Ut veritatem fidei illæ gentes agnoscerent, in cujus gratiam tot centena milia Martyrum ultrò & læti occubuissent. 3. Ut novella Ecclesia duris exercita, altiores figeret radices.

- VIII. An non profuisset magis Ecclesiæ, si quot Imperatores, totidem & Fautores habuisset? Minimè; sic enim humanâ potiùs operâ ædificium tantum visum fuisset surgere in altum, IX. Si ex asperis tanta Ecclesiæ emolumenta ob-  
venerunt, cur non à singulis Imperatoribus persecutiones permissa est pati?

Ut planta tenera densas inter nives nunquam adolesceret, nisi & à sole identidem recrearetur; sic & arbor Ecclesiæ debuit quidem exerceri duris, ut firmaretur; recreari autem & prosperis, ut crescendo palmites extenderet,

- X. Quo tempore vera Religio Romæ capit florere?

Sub prima imperantis Claudii initia.

- XI. Quando S. Petrus Christi Vicarius suam Romæ Cathedram fixit?

Alterò Claudii regnantis annò.

- XII. Unde tertio præsertim sæculò, tot Imperantium mutationes?

Tum ex levitate militum, quibus ea regnantium mutatio placebat; tum ex invidia regnare cupientium.

- XIII. Cur Imperatores militum plerumque suffragiis legebantur?

Quia, ut arma, sic & potestas omnis, dignitasque penès ipsos stabat.

- XIV. An fidem meretur Trajani animam precibus Magni Gregorii liberatam ab inferis?

Fabula hæc est, cujus nulla ullo in scriptore, fide digno, existat memoria, nec à quoquam fidelium unquam credita, quidquid pro sua fingendi ac criminandi libidine hæretici sibi licitum velint.



Tabu-





# Tabula Chronologica

## Quatuor Magnarum Monarchiarum

### Monarchia Assyrica.

|                                            |                                  |             |
|--------------------------------------------|----------------------------------|-------------|
| 1.                                         | Nimrodus regnavit ab An 1879.    |             |
|                                            |                                  | ad An. 1944 |
| 2.                                         | Ninus regnavit 52. an ad         | 1996        |
| 3.                                         | Semiramis 42. ad - -             | 2038        |
| sequentes 33. Reges regnârunt 1120. annis. |                                  |             |
| 37.                                        | Sardanapalus regnavit an. 20. ad | 3178        |
| 41.                                        | Salamanassar 8 ad - -            | 3317        |
| 42.                                        | Sennacherib 6 ad - -             | 3323        |
| 44.                                        | Merodach à 3345.                 |             |
| 47.                                        | Nabuchodonosor 44. ad - -        | 3472        |
| 49.                                        | Balthasar 20. ad - - -           | 3516        |
| Stetit 1637. annis.                        |                                  |             |

### Persia.

Ante erectam Monarchiam pertinebat ad Assyriam, à qua post Sardanapalum avulsa, primò ad Medos, post ad Cyrum transit.

### Monarchia Persica.

|                                  |        |
|----------------------------------|--------|
| Cyrus regnavit à 3516. an 8. ad. | 3524   |
| Cambises 7. an. ad - - -         | 3532   |
| Darius Hist: 36. ad - - -        | 3569   |
| G 4                              | Xerxes |

|                         |   |   |      |
|-------------------------|---|---|------|
| Xerxes I. 20. ad        | - | - | 3589 |
| Artaxerxes Long: 40. ad | - | - | 3629 |
| Darius Noth: 19. ad     | - | - | 3649 |
| Artaxerxes Mnem. 40. ad | - | - | 3689 |
| Darius Ochus 26. ad     | - | - | 3714 |
| Arses 4. ad             | - | - | 3718 |
| Darius 6. ad            | - | - | 3724 |

Stetit annis 208.

## Græcia.

Divisa in varia regna, in quibus initium sumit.

|                                     |      |      |      |
|-------------------------------------|------|------|------|
| Sycionicum                          | -    | -    | 1890 |
| Atheniense                          | -    | -    | 2446 |
| Lacedæmonienne                      | -    | -    | 2570 |
| Expeditio Argonautarum              | Anno | 2739 |      |
| Eversio Trojæ                       | -    | -    | 2793 |
| Ætas fabularum ad an.               | -    | -    | 2895 |
| Initium Olimp: Comput.              | -    | -    | 3278 |
| Athenæ feliciter pugnant cum Persia | -    | -    | 3546 |
| Tota Græcia cum Xerse               | -    | -    | 3574 |
| Initium belli intestini Græcorum    | -    | -    | 3596 |
| Græcia à Philippo oppugnata         | -    | -    | 3700 |

## Monarchia Græcorum.

|                                      |      |
|--------------------------------------|------|
| Alexander regnavit 6. an: ab Anno    | 3724 |
| ad                                   | 3730 |
| Regnum Macedoniæ post Alexandrum sub | 17   |
| Regibus integrum stetit ad an.       | 3887 |
| Syriacum sub 22. Regibus ad an.      | 3991 |
| Ægyptiacum sub 13 Reg: ad an.        | 4024 |
| Stetit an: 300.                      |      |

## Italia



(S)(O)(S)

# Italia.

Janus Rex primus. - - 2722  
 Post hūc regnarūt usq; ad Romulū 21. Reges.  
 Exstructio Romæ & exordium Regiminis Ro-  
 muli - - 3301  
 Post Romulum regnârunt 6. Reges ad an. 3545  
 Initium Regiminis Consul. - 3545  
 Felicia bella cum variis popul. Ital. usque  
 ad 3780  
 Triplex bellum Punicū ab an. 3790. ad 3908  
 Hōc & aliis temporibus varia bella externa  
 usque ad an. - - 4000  
 Varia intestina ab an. 3967. ferè usq; ad an. 4024

## Monarchia Romana

Imperatorum ad nostra usque tempora  
 seriem complectens.

*Sæculum à Christo Nato primum:*

| Nomina & series<br>Imperat. | Anni<br>Imp. | ad an.<br>Chr. | Synchorismus rerum<br>memorabilium. |
|-----------------------------|--------------|----------------|-------------------------------------|
| Augustus - -                | 44           | 14             | Christus natus: an. 1.              |
| Tiberius - -                | 25           | 37             | Christus Crucifixus 34              |
| Caligula - -                | 3            | 41             | Romam venit S. Pe-                  |
| Claudius - -                | 13           | 54             | trus. - - - 24                      |
| Nero - - -                  | 13           | 68             | Persecutio prima du-                |
| Galba - - -                 | 6. M.        | 69             | rat annis 4 ab an. 64               |
| Otto - - -                  | 3. M.        |                | ad 68.                              |
| Vitellius - -               | 8. M.        |                | Excidium Jerosoly-                  |
| Vespasianus -               | 9            | 79             | mæ an. - - - 70                     |
| Titus - - -                 | 2            | 81             | Persecutio 2da ab an-               |
| Domitianus -                | 15           | 96             | no 90 ad 96. annis                  |
| Nerva - - -                 | 2            | 98             | sex:                                |

| Nomina & series<br>Imperatorum. | Anni<br>Imp. | ad an.<br>Chri | Synchronismus rerum<br>memorabilium. |
|---------------------------------|--------------|----------------|--------------------------------------|
|---------------------------------|--------------|----------------|--------------------------------------|

*Saeculum secundum.*

|                 |       |     |                          |
|-----------------|-------|-----|--------------------------|
| Trajanus -      | 19    | 117 | Persecutio tertia ab an- |
| Hadrianus -     | 21    | 138 | no 98. ad 116. an-       |
| Antoninus Pius  | 23    | 161 | nis. - 18                |
| Marcus Aurelius |       |     | Persecutio quarta ab     |
| & Lucius Verus. | 19    | 180 | anno 161, ad 174. an-    |
| Commodus -      | 13    | 193 | nis - 13                 |
| Ælius Pertinax  | 3. M. |     |                          |
| Didius Julianus | 2. M. |     |                          |

*Saeculum tertium.*

|                    |       |     |                        |
|--------------------|-------|-----|------------------------|
| Severus - -        | 17.   | 211 | Persecutio quinta ab   |
| Cáracalla & Geta   | 6     | 218 | anno 200. ad 211. an-  |
| Macrinus -         | 1     | 219 | nis. - 11,             |
| Heliogabalus -     | 3     | 223 |                        |
| Alexan: Severus    | 13    | 236 |                        |
| Maximin: Thrax     | 2     | 238 | Persecutio 6. ab anno  |
| Gordianus -        | 6     | 245 | 236 ad 238. an. 2.     |
| Philippi duo       | 5     | 249 |                        |
| Decius - -         | 2     | 251 | Persecutio 7. ab anno  |
| Gall. & Volusian   | 2     | 253 | 249 ad 251. an. 2      |
| Æmilianus -        | 3. M. |     |                        |
| Valeriã. & Galliẽ. | 15    | 269 |                        |
| Flavius Claudi9.   | 1     | 271 | Persecutio 8. ab áнно  |
| Aurelianus -       | 5     | 276 | 257. ad 260. an. 3     |
| Probus - -         | 6     | 282 | Persecutio 9. ab anno  |
| Carus, Carinus,    |       |     | 268, ad 275. an. 7     |
| & Numerianus       | 2     | 284 |                        |
| Diocletianus, &    |       |     |                        |
| Maximianus.        | 20    | 304 | Persecutio 10. ab áнно |
| Cōstantinus Chlo   |       |     | 284 ad 303. an. 19     |
| rus & Galerius.    | 2     | 306 |                        |



| Nomina & series<br>Imperatorum. | Ann.<br>Imp. | ad an.<br>Chr. | Synchronismus rerum<br>memorabilium, |
|---------------------------------|--------------|----------------|--------------------------------------|
|---------------------------------|--------------|----------------|--------------------------------------|

*Saeculum quartum.*


|                  |                 |     |                         |
|------------------|-----------------|-----|-------------------------|
| Constantinus M.  | 31              | 337 |                         |
| Constantinus II. | 3               | 340 |                         |
| Constans - -     | 10 <sup>1</sup> | 350 |                         |
| Constantius.     | 24              | 361 |                         |
| Julianus Aposta: | 2               | 363 |                         |
| Jovianus -       | 7. M.           |     |                         |
| Valentinianus I. |                 |     |                         |
| Occidentis.      | 12              | 375 | Divisio Imperii in Ori- |
| Valens Orientis. | 14              | 378 | entiale, & Occident.    |
| Gratianus -      | 8               | 383 | Initium Regni Hispan-   |
| Valestinianus II | 16              | 392 | niae sub Ataulpho       |
| Theodosius M.    | 16              | 395 | anno - - - 415          |
| Arcadius Orient. | 13              | 408 | Anglo Saxones in Bri-   |
| Honorius Occid.  | 28              | 423 | tannia anno - 446       |

*Saeculum quintum.*

|                    |    |     |                        |
|--------------------|----|-----|------------------------|
| Theodosius II.     | 42 | 450 | Initiū Regni Francorū  |
|                    |    |     | sub Meroveo an. 448    |
| Valentinianus III. | 30 | 455 | Furit Attila an. 450   |
| Imperat: Orient;   |    |     | Extinctum Occidentis   |
| Martianus -        | 6  | 457 | Imperium an. 475       |
| Leo I. - -         | 17 | 474 | Regn. Herulorum in It. |
| Leo II. - - -      | 1  | 475 | Regnum Gothorum in     |
| Zeno - - -         | 17 | 491 | Italia an: - - 493     |
| Anastasius -       | 27 | 518 | Theod. I. Bav: Dux 508 |

*Saeculum sextum.*

|                   |    |     |                         |
|-------------------|----|-----|-------------------------|
| Justinus I. -     | 9  | 528 | Sericum ex Ind. in Eur. |
| Justinianus I.    | 38 | 566 | primò illatum an: 557   |
| Justinus II.      | 10 | 576 | Regnum Longobardo-      |
| Tiber. Const: III | 6  | 583 | rum in Ital: an. 568    |
| Mauritius -       | 19 | 602 | Poloniae Princip: - 500 |



| Nomina & series<br>Imperatorum. | Ann.<br>Imp. | ad an.<br>Chr. | Synchronismus rerum<br>memorabilium. |
|---------------------------------|--------------|----------------|--------------------------------------|
|---------------------------------|--------------|----------------|--------------------------------------|

*Saeculum septimum.*

|                    |       |     |                      |
|--------------------|-------|-----|----------------------|
| Phocas - -         | 8     | 610 |                      |
| Heraclius - -      | 30    | 641 | Secta Mahometis an-  |
| Constantinus IV    | 4. M. | 642 | no - - - 630         |
| Constans II. -     | 26    | 668 | Czechus Bohemiae Dux |
| Constant. V. Pog.  | 17    | 685 | primus - - - 649     |
| Justiniã II. Rhin: | 10    | 696 |                      |
| Leontius - -       | 3     | 699 | Respubl. Veneta 700  |
| Tiberig abfimar.   | 6     | 705 |                      |

*Saeculum octavum*

|                    |    |     |                       |
|--------------------|----|-----|-----------------------|
| Justiniã II. iterũ | 7  | 711 |                       |
| Philippicus -      | 1  | 712 | Mauri in Hispania an- |
| Anastasius II.     | 3  | 715 | no - - - 713          |
| Theodosius III.    | 1  | 716 |                       |
| Leo III. Isaur.    |    |     |                       |
| iconocl. -         | 24 | 741 | Organa Musica ex O-   |
| Const. V. Copr.    | 34 | 775 | riente allata 757     |
| Leo IV. - -        | 5  | 780 | Egbertus Angliæ Rex   |
| Constantinus VI    |    |     | primus anno - 800     |
| & Irene -          | 18 | 797 | Usus cognominum in-   |
| Irene sola - -     | 5  | 802 | ductus circa an. 800  |

*Saeculum nonum.*

|                   |                 |     |                       |
|-------------------|-----------------|-----|-----------------------|
| Imperat; Occidit. |                 |     | Restitutum Occidentis |
| Carolus M.        | 14              | 814 | Imperium an. 800      |
| Ludovicus Pius    | 26              | 840 | Schisma Orientis per  |
| Lotharius -       | 15 <sup>s</sup> | 855 | Photium ann. 850      |
| Ludovicus II.     | 19              | 875 |                       |
| Carolus Calvus    | 2               | 877 |                       |
| Ludovicus III.    | 2               | 879 |                       |
| Carolus Crassus   | 7               | 887 |                       |
| Arnulphus -       | 12              | 899 |                       |
| Ludovicus IV.     | 12              | 912 |                       |

*Sæcu-*





| Nomina & series<br>Imperatorum. | Ann.<br>Imp | ad an.<br>Chr. | Synchronismus rerum<br>memorabilium. |
|---------------------------------|-------------|----------------|--------------------------------------|
|---------------------------------|-------------|----------------|--------------------------------------|

*Saeculum decimum.*

|                              |    |      |                                               |
|------------------------------|----|------|-----------------------------------------------|
| Conradus I.                  | 7  | 919  | Reg. Dianæ Christi 930                        |
| Heric <sup>9</sup> I. Auceps | 17 | 936  | Hastiludia instir. 974                        |
| Otho Magnus                  | 36 | 973  | Imp: Moscovitic. 988                          |
| Otho II. - -                 | 10 | 983  | Regnum Poloniae 999                           |
| Otho III. - - -              | 19 | 1002 | Regnum Hungariae sub<br>S. Stephano Rege 1000 |

*Saeculum undecimum.*

|                                |    |      |                        |
|--------------------------------|----|------|------------------------|
| Henricus II. San.              | 23 | 1024 | Schisma Graecorum 1052 |
| Conrad <sup>9</sup> II. Salic. | 14 | 1040 | Bohemiae Regn: 1086    |
| Henricus III. nig.             | 17 | 1056 | Cruciata prima 1096    |
| Henricus IV.                   | 50 | 1106 | Capta Jerosolym. 1099  |

*Saeculum duodecimum.*

|                             |    |      |                         |
|-----------------------------|----|------|-------------------------|
| Henricus V.                 | 20 | 1125 | Lusitaniae Regn. 1132   |
| Lotharius II.               | 13 | 1138 |                         |
| Conradus III.               | 14 | 1152 | Cruciata secund. 1147   |
| Frideric <sup>9</sup> Enob. | 38 | 1189 | Regnum Sveciae sub Eri- |
| Henricus VI.                | 7  | 1198 | co Sancto. 1150         |
| Philippus - -               | 10 | 1208 | Cruciata tercia 1189    |

*Saeculum decimum tertium.*

|                   |    |      |                         |
|-------------------|----|------|-------------------------|
| Otho IV.          | 10 | 1218 | Septem Electores. 1245  |
| Fridericus II.    | 31 | 1250 |                         |
| Conradus IV.      | 4  | 1254 | Conradinus occisus 1268 |
| Interegnum -      |    | 1273 |                         |
| Rudolp: I. Habs.  | 18 | 1291 | Vesperae Siculae. 1282  |
| Adolphus Nass.    | 7  | 1298 | Fœdus Helveticum 1308   |
| Albert. I. Austr. | 10 | 1308 |                         |

*Saeculum decimum quartum.*

|                  |    |      |                     |
|------------------|----|------|---------------------|
| Henr: VII. Lux.  | 5  | 1313 | Ottomanus I. Turca- |
| Ludov. V. Bavar. | 33 | 1347 | rum Imper. 1314     |
| Fridericus III.  | 15 | 1352 | Bulla aurea. 1356   |

Caro-

| Nomina & series<br>Imperatorum. | Ann.<br>Imp. | ad an.<br>Chr. | Synchronismus rerum<br>memorabilium.    |
|---------------------------------|--------------|----------------|-----------------------------------------|
| Carolus IV.                     | 32           | 1378           | Pulvis pyrius, & bom-                   |
| Wenceslaus                      | 22           | 1400           | bardæ inventæ à Ger-<br>mano - - - 1380 |

*Saeculum decimum quintum.*

|                    |    |      |                       |
|--------------------|----|------|-----------------------|
| Rupertus Palat.    | 10 | 1410 | Typographia inventa à |
| Sigismundus        | 27 | 1437 | Germano - - 1440      |
| Albert. II. Austr. | 2  | 1439 | Constantinopol. capta |
| Fridericus IV.     | 53 | 1493 | " - - - 1453          |
| Maximilianus I.    | 26 | 1519 | America inventa 1492  |
|                    |    |      | Lutheri hæresis 1517  |

*Saeculum decimum sextum.*

|                 |    |      |                      |
|-----------------|----|------|----------------------|
| Carolus V.      | 39 | 1558 | Bellum ruffic. 1526  |
| Ferdinandus I.  | 6  | 1564 | Pax Religiofa 1555   |
| Maximilianus II | 12 | 1576 | Calend. Gregor. 1582 |
| Rudolphus II.   | 35 | 1612 | Baravorum Resp: 1579 |

*Saeculum decimum septimum.*

|                 |    |      |                         |
|-----------------|----|------|-------------------------|
| Mathias - -     | 7  | 1619 | Bellum 30ctinnale. 1618 |
| Ferdinandus II. | 17 | 1632 | Pax Westphal. 1648      |
| Ferdinandus III | 20 | 1657 | - - Noviomag. 1679      |
|                 |    |      | - - Ristwicens. 1697    |
| Leopoldus M.    | 47 | 1705 | Bellum Hispaniæ. 1703   |

*Saeculum decimum octavum.*

|              |   |      |                      |
|--------------|---|------|----------------------|
| Josephus - - | 6 | 1711 | Pax Rastadiens. 1714 |
| Carolus VI.  |   |      | - Badensis 1715      |
|              |   |      | - Passarowitz. 1718  |
|              |   |      | Traetat. Vienn. 1725 |

Carolus VII. Natus 6. Aug: 1697. ex Maximiliano Ma-  
ria Emmanuele Electore Bavarix & Tereffia Cunegun-  
da Sobiewska Joannis III. Poloniarum Regis Filia; Ele-  
ctus in Imperatorem 24. Januarii. 1742. Coronatus ( ab  
Archiepiscopo & Electore Colonienfi, Fratre suo Ger-  
mano,



mano, quem pro hac sola vice istò permisit fungi officio  
Archiepiscopus & Elector Moguntinus) die 12. Februarii  
eiusdem Anni. Vivat feliciter.

*Notandum: huic Opusculo secundo quatuor Mo-  
narchias exprimenti, in Serie imperatorum quartæ  
Monarchiæ additos esse omnes omnino Imperatores,  
à Constantino Magno, usq; ad Præsentem Caro-  
lum VII. Descriptio verò prolixior eorundem in  
sexto Opusculo exponetur, quod auctuarii vices alio-  
rum s. Opusculorum Subibit. In præsentì additur ex  
Exemplari Brunsbergiensi desumpta perutilis infor-  
matio circa Acta nonnulla in veteri & Novo Te-  
stamento, anniq; correspondentes iisdem Actis seu.*

## Synchronismus Actor. Ju- daicor.

|                                                                          |      |
|--------------------------------------------------------------------------|------|
| Abraham vixit ab An. 2039. ad an.                                        | 2214 |
| Isaac à 2139. ad - - - -                                                 | 2319 |
| Jacob à 2199 ad - - - -                                                  | 2346 |
| Moyfes à 2464 ad - - - -                                                 | 2584 |
| Exitus de Ægypto - - - -                                                 | 2544 |
| Judicum tempus usque ad - - -                                            | 2962 |
| Tempus Regum ad - - - -                                                  | 3446 |
| Captivitas Babyl. per 70 An. ad                                          | 3516 |
| Regimen Summorum Sacerdotum post<br>Captivit. Babylon. ab An. -          | 3516 |
| Alexander venit Jerosolymam sub regi-<br>mine Jaddi Summi Sacerdotis An. | 3722 |
| Ægyptiaci & Syriaci Monarchæ graviter<br>persequuntur Judæos.            |      |
| Judæi vincuntur à Pompejo An.                                            | 3991 |
| Hero-                                                                    |      |

|                                              |   |   |   |   |      |
|----------------------------------------------|---|---|---|---|------|
| Herodes Rex                                  | - | - | - | - | 4017 |
| Christi Nativitas                            | - | - | - | - | 4053 |
| Christi Crucifixio                           | - | - | - | - | 4880 |
| A. C.                                        | - | - | - | - | 33   |
| Annuntiatio & dilatatio Evangelii.           |   |   |   |   | 4017 |
| Decem graves persecutiones.                  |   |   |   |   | 4017 |
| Publicum & liberum exercitium fidei sub Con- |   |   |   |   | 4017 |
| stantino M.                                  |   |   |   |   | 4017 |

S E R I E S  
Regum Romanorum  
Superius in Opusculo expressorum  
*Secundum Livium.*


|                       |                |   |    |
|-----------------------|----------------|---|----|
| ROMULUS               | Regnavit Annis | - | 37 |
| Interregnum           | fuit Annis     | - | 8  |
| NUMMA POMPILIUS       | Regnavit Annis |   | 43 |
| TULLUS HOSTILIUS      | Regn: Annis    |   | 32 |
| ANCUS MARTIUS         | Regnavit Annis |   | 14 |
| L. TARQUINIUS PRISCUS | Reg. An.       |   | 38 |
| SERVIUS TULLIUS       | Regnavit Annis |   | 44 |
| TARQUINIUS SUPERBUS   | Regn. Annis    |   | 25 |

Hic postquam Regnô ob tyrannidem pulsus, continuatum est per Consules Imperium. Liv: l. i.

*Per Tribunos Liv: 1. 2. Per Magistratus  
Decemviroꝝ Liv: 1. 3. Per Dictatores  
Liv: 1. 4. Per Tribunos Militares Liv: 1. 5.*







he



Biblioteka Jagiellońska



stdr0022055

